

3-47-

ბავშვების  
განათლების  
მინისტრო

# საბავშვო საზოგადოებრივი სამსახური



1928

სახეცვლამი

№ 10



# „პიონერი“

რედაქცია გადვიდა ახალ ბინაზე:

ტფილისი, რუსთაველის გამზირი, № 22

(საქართველოს კომუნისტური პარტიის  
ცენტრალური კომიტეტის ყოფილი უბნობა)

ყოველგვარი მიწერ-მოწერა,  
როელიც უზრუნავის საკითხებ-  
თან არის დაკავშირებული, ამ  
მისამართით უნდა იქნას  
წარმოებული

## შ ი ნ ა ა რ ს ი:

1. ალენუსხით ჩვენი მუშაობა სკოლაში . . . . .	2	83.	9. ჩვენი ცხოვრება და მუშაობა: დუშეთის საბავშვო	33.
2. ლუიჯი—ს. ერთაწმინდელის . . . . .	3		სახლების ცხოვრებიდან—დუშელის . . . . .	19
3. სანაპირო ქალაქი — ს. კახრაძის . . . . .	8		10. ჩვენი ნეზობელი ქვეყნები: ოსმალეთი—	
4. ნაპოენი—კ. კალანდაძის . . . . .	13		აღ. გორგაძის . . . . .	20
5. პიონერთა ბანაკის მოწყობა—შ. გორგაძის . . . . .	15		11. ჩვენი სიმდიდრენი: საკვებ ნივთიერებათა და	
6. ალექსანდრე დიმიტრისძე ციურუბა . . . . .	15		სელის წარმოება—შ. ფარცხნაღელის . . . . .	21
7. ბავშთა საერთაშორისო მოძრაობა . . . . .	16		12. ერთი ორ როლში ერთად . . . . .	23
8. როგორ ჩატარდა ბავშთა საერთაშორისო კვირე- ული . . . . .	17		13. როგორ იზრდება ვეებერთელა გოგრა . . . . .	24
			14. ქადრაკი . . . . .	კანზე.





# პიონერი

1928  
30 მაისი



საქართველოს სახელმწიფო ბიბლიოთეკის სახელმწიფო კატალოგის სტეფანოვი ალბრტის მთავარმა რედაქტორმა მ. კ. თ. ცენტრალური მიერთს (საქ. ა. ლ. კომპლემენტის ცვლასთან) აქრნალი მავშვისსათვის

წელიწადი III  
№ 10



პიონერები ბანაობენ.



# აღწესობით ჩვენი მუშაობა სკოლაში

პიონერორგანიზაციის ერთ-ერთ მნიშვნელოვან დარგს წარმოადგენს პიონერთა მუშაობა სკოლაში. ამ მიმართულებით ჯერ კიდევ 1927/28 სასწავლო წლის დასაწყისში კომკავშირის ცენტრალურმა კომიტეტმა საქ. განათ. კომისარიატთან ერთად მისცა ადგილებს დაწვრილებითი ღირეკტივები სკოლებში პიონერთა მუშაობის მორიგი ამოცანების შესახებ.

თუმცა-ღა ამ ღირეკტივების განხორციელების დაწვრილებითი შედეგები ჩვენ ჯერ არ მოგვეპოვება, ადგილების ოფიციალური ანგარიშებიდან ჩანს, რომ პიონერთა მუშაობა სკოლაში მიმდინარე წელს საგრძობლად გაუმჯობესდა.

რაში მდგომარეობს ეს გაუმჯობესება? 1) ქალაქის სკოლებში პიონერ-ფორპოსთა ქსელი საგრძობად გაფართოვდა; 2) პიონერთა ინიციატივა და აქტივობა თვითმართველობის მუშაობაში და საერთოდ სკოლის ცხოვრებაში მეტად გაიზარდა; 3) პიონერთა ავტორიტეტი და გავლენა სკოლის შეუკავშირებელ ბავშვებში გაძლიერდა.

თუ 1926/27 სასწავლო წლის დასაწყისში მთელ საქართველოში მხოლოდ 148 ფორპოსტი იყო, 1927/28 სასწავლო წლისათვის 178 ფორპოსტი გვაქვს. ჩვენ არ ვლაპარაკობთ კიდევ იმაზე, რომ როგორც ქალაქის, ისე სოფლის სკოლებში ძალიან გაიზარდა პიონერთა კოლექტივების რიცხვი.

პიონერთა აქტივობის ზრდას სკოლებში ის გარემოება ამტკიცებს, რომ წელს განსაკუთრებით დიდ დახმარებას უწევენ პიონერები სწავლაში ჩამორჩენილ ამხანაგებს. ტფილისის ზოგიერთ სკოლაში პიონერ-ფორპოსტების ინიციატივით ეწყობა ცხელი საუზმე, მოსწავლეთათვის იმართება საბავშვო საღამოები, იცემა კედლის გაზეთი, ეწყობა სხვადასხვა წრე და სხვა. გარდა ამისა, ტფილისის მთელ რიგ სკოლებში შემოდებულია სპეციალური ე. წ. საკლუბო დღეები და საათები, რომელთა მიზანია დაუახლოვოს სკოლების მუშაობა ბავშვთა კომ. მოძრაობას.

აქედან გამომდინარეობს პიონერთა ავტორიტეტისა და გავლენის ზრდა არა მარტო მოსწავლეთა თვალში, არამედ თვით მასწავლებელთა თვალშიც. სკოლის თვითმართველობაში ზოგ შემთხვევაში სულ პიონერები არიან გაყვანილნი, ან უმრავლესობას წარმოადგენენ. პიონერები დიდ აქტივობას იჩენენ სკოლის საზოგადოებრივ-სასარგებლო საქმიანობაში ჩასაბმელად (გზების და ხიდების შეკეთება, დახმარება ღარიბებს, წარმოების შესწავლა და სხვა).

რაც შეეხება სოფლის სკოლების პიონერკოლექტივების მუშაობას, უნდა აღინიშნოს, რომ ამ მხრივ

ვაც ბევრი წარმატება გვაქვს. პიონერთა ძირითად ამოცანას სოფლის სკოლაში წარმოადგენდა და წარმოადგენს პიონერების აქტიური მონაწილეობა სკოლის სასწავლო ცხოვრების მოგვარებაში, ე. ი. პროპაგანდა ნორმალურ სასწავლო წლის სასარგებლოდ (მოწაფეთა მოცდენის გამომწვევ მიზეზთა წინააღმდეგ ბრძოლა) და მოსწავლეთა შორის სასოფლო-სამეურნეო აღზრდის გაძლიერება. კერძოდ პიონერებს დიდი მუშაობა აქვთ ჩატარებული ღარიბი ბავშვების სკოლაში ჩაბმის მხრით.

ამგვარად, პიონერებს მიმდინარე სასწავლო წლის განმავლობაში უაღრესად დიდი მიღწევები აქვთ. ფორპოსტები და პიონერკოლექტივები სკოლაში, როგორც ყველაზე უფრო შეკავშირებული ერთეულები, უდიდეს როლს შეასრულებენ სკოლის პედაგოგიურ და საზოგადოებრივ-სასარგებლო მუშაობაში.

მაგრამ ამ მიღწევებთან ერთად ჩვენ აუარებელი ნაკლიც გვაქვს. მთავარი ნაკლი ისაა, რომ პიონერები, როგორც მთლიანად ელემენტები, ჯერ კიდევ ყველგან არ არიან ჩატარებული. ზოგ შემთხვევაში პიონერი სავსებით გაუქვია მოსწავლე ბავშვებში იმ მხრივ, რომ იგი არ აქტივობასა და თვით მოქმედებას არ იჩენს სკოლის ცხოვრებაში, მას არ აინტერესებს მოწაფეთა მოცდენის მდგომარეობის გამორკვევა და ჩამორჩენილთათვის დახმარების აღმოჩენა, ვერ არის მაგალითის მოძებნი დისციპლინაში და სხვა. ცხადია, ასეთი პიონერებით ჩვენ შორს ვერ წავალთ.

ამიტომ თითოეული პიონერისა და მოწაფის ამოცანას წარმოადგენს ამ სასწავლო წლის დამთავრებამდე ფართედ გამოამეღავნოს ყველა ჩვენი ნაკლი, რანაირი წვრილმანიც ზინდა იყოს იგი. თუ ყველა ნაკლს აღწესდება, თუ ყველა პიონერი დაიხსომებს და შემდეგი სასწავლო წლისთვის შეეცდება წრევანდელი უარყოფითი მხარეების გამოსწორებას, მაშინ შემდეგი წელი უფრო დიდ მიღწევებს მოგვცემს. ჟურნალი „პიონერი“ დიდი სიამოვნებით მიიღებს და გააშუქებს თავის ფურცლებზე ადგილებიდან გამოგზავნილ მასალებს წრევანდელი უარყოფითი მხარეებისა და მიღწევების შესახებ.

თითოეულ პიონერს და მოწაფეს უნდა ახსოვდეს, რომ ამ სასწავლო წლის დამთავრების შემდეგ დიდი მუშაობა მართებს სოფლად თუ ქალაქად.

„პიონერი“ იმ მასალებსაც, თუ რა გააკეთეს პიონერებმა და მოწაფეებმა ზაფხულში, რა მუშაობას ეწეოდნენ და ვის სასარგებლოდ, — ფართედ გააშუქებს თავის ფურცლებზე.

ახლა კი სიტყვა თქვენ გვეკუთვნისთ.





(ნეაპოლის სურათები)

ა.

— ადე აქედან! დაიკარგე! — უყვირა ჟანდარმმა ნეაპოლის სადგურის ბაქანზე ჩაძინებულ ლუიჯის და ფეხი ამოჰკრა.

— აჰ!!! — დაიკენესა ტკივილისაგან ბიჭმა და ნამძინარევი თვალები დააქიჯა შიშით... რა ახედა მის წინ მდგომ მრისხანე სახის გამომეტყველების ჟანდარმს, წამოხტა და გაიქცა რონოდებისკენ, სადაც კინალამ რომიდან ელვის სისწრაფით მომქროლ სწრაფ მატარებელ „დირეტისსიმოს“ ქვეშ ჩავარდა, რომელიც პირველ ლიანდაგზე მოჰქროდა...

ლუიჯი სულ რამდენიმე საათის წინ ჩამოვიდა ნეაპოლში მახლობელ მშობლიურ სოფლიდან და რადგანაც პირველად იყო აქ, გზა არ იცოდა და პირდაპირ რკინის გზის ლიანდაგს დაადგა; და რა დაღლილი მიადგა სადგურს, ჩაიკეცა, ჩასთვლიმა და თავი ველარ გაართვა ძილს... აი, ამ დროს იყო, რომ წაადგა თავს ფაშისტი ჟანდარმი...

ჟანდარმისაგან დამფრთხალი ლუიჯი გარბოდა მოუხედავად, მაგრამ კი არ იცოდა საით... მას კარგად ესმოდა მხოლოდ ის, რომ ეს ჟანდარმები, ფაშისტები, სძულდა მის მამას და ალბათ ცუდები, დაუნდობლები უნდა იყვნენო, — ჰფიქრობდა ის...

ერთ ჩიხში მიგდებულ საქონლის ცარიელ რონოდაში, ამოჰყო თავი და, რადგანაც უკვე ბინდებოდა, გადასწყვიტა ღამე აქ გაეთია... და რა მიიხედ-მოიხედა და დარწმუნდა, რომ აღარც ჟანდარმი მოსდევს და აღარც სხვა ვინმე ჩანს, მიწვა კუთხეში თივაზე და გვერდზე გადაკიდებული პატარა აბგიდან თან წამოდებული პურის ყუა მოსტეხა, მოშიებულ გულზე მაღიანად დაიწყო ლუქმვა...

ნეაპოლი კი თავისი დიდი მოძრაობით და ჩვეულებრივი სიმხიარულით ხმაურობდა, ისმოდა ორთქლმავალთა გამუდმებული კივილი, რომელსაც შორი ნავსადგურიდან ბანს აძლევდნ გაშლილ ზღვაში მალიმალ გასვლად მზა ხომალდების საყვირები...

ლუიჯი გაიტაცა თავისი სოფლის მოგონებამ, ღამაზმა სურათებმა...

გაახსენდა მამა, დედიკო, ტოლები და ბებია ფრანცისკა, რომელსაც დილას ისე გამოეპარა, რომ არც კი უთქვამს სად მიდიოდა.

ბ.

მშვენიერი დილა იქნა ისეთი, როგორც ხშირია ხოლმე ნეაპოლის ახლო სოფლებში... მზე წითელი სიცილით გადმოადგა ამწვანებულ ბაღებს და გადმოაფინა თავისი ოქროსფერი კალალები... მანდარინების ხეთა ხეივანში, რომელსაც გვერდზე კობტად რგული ზეთისხილის ხეები მისდევდნ და დაბლა ხალისიანად მოლიკლიკე რუს ნაპირებზე ის იყო გაშლას აპირებდნ ფერადი კომბოსტოები, დედას ხელდაჭერილი მიჰყავდა ლუიჯი შარაგზაზე გასაყვანად, სადაც უნდა გამოეელო ომნიბუსით ლუიჯის მამას, პაოლო პერინის, რომელმაც გუშინწინ გამოგზავნა წერილი რომიდან, რომ ის ამოვა სოფელში.

— მალე მოვა მამა? — შეეკითხა ლუიჯი და თავისი ცისფერი თვალები ღიმილით შეანათა დედას.

— მალე, ალბათ, მალე, გენაცვალე... — მიუგო დედამ და ხელი თვალებზე მიიჩრდილა და გაჰხედა რომიდან მომავალ სწორ გზას, სადაც შორს შეამჩნია ავარდნილი მტვერი და სახე გაუნათლდა...

— აგერ, ვგონებ, ომნიბუსიც მოდის, — წამოიძახა ანჟელიკამ...

პაოლო პერინი მუშა იყო, მარმარილოს მთლელი და მუშაობდა პიეტრო-პაულის ქუჩაზე მდებარე პიო საღვინოს სახელოსნოში, მაგრამ პატრონის მიერ ათვალისწინებული იყო კომუნისტური აზრებისათვის. თუ ფაშისტურ პოლიციას არ აძლევდა ხელში მხოლოდ იმიტომ, რომ პაოლო კაი ხელოსანი იყო და არ უნდოდა თავისი ზარალი.

პაოლოს ცოლშვილიც თანა ჰყავდა რომში, პატარა ოთახი ჰქონდა ნაქირავები, მაგრამ რა ხშირად მინც არ სტოვებდა პოლიცია მას მშვიდად, თითქმის ყოველ კვირა სჩხრეკდა ექვით, აწიოკებდა, ცოლშვილი სოფელში დააბინავა და თვითონ ამხანაგთან გადასახლდა მორენოზე და კვირაობით ან უქმე დღეებში თვითონ ამოვიდოდა ხოლმე სოფელში...



ამ ბოლო დროს კი, რა ფაშისტებმა ჩაიდგეს ძალა-უფლება ხელში, დაარბიეს მუშათა კავშირები, კომუნისტური გაზეთი ხომ აღარ გააქაჩანეს, ფაშისტებმა პაოლო პერინიცი დაინდეს, იგი შარშან ორჯერ იყო დაპატიმრებული რევოლუციონური მუშაობისათვის და რადგან წელს უფრო გააძლიერეს მთავრობის საწინააღმდეგო მუშაობა, ფაშისტებს უკვე ანგარიშზე ჰყავდათ აყვანილი...

ბ.

ნეაპოლის მიდამოების მუდამ გაკრიალებულ ლურჯი ცის თაღზე უდაბნოში გაბმულ აქლემთა ქარავანივით მოჩანდა გრძლად გაწოლილი ღრუბელი, მაგრამ ღრუბელი კი არა, არამედ ორთქლი, რომელიც მუდმივად სდის ჩაუქრობელ ვეზუვის ხახს, ერთიმეორეზე მიწყობილ სამ მთას, რომლებიც ისე მოჩანან ლუიჯის სოფლიდან, თითქოს ერთიმეორეს ეფარებიან და ვისმეს ემალებიანო...

მზე უკვე საშუაღდეოზე აგორდა, რომ მესამე ომნიუსი გაჩერდა და იქიდან გადმოვიდა მამაკაცი...

— პაოლო! — შეჰყვირა ანჟელიკამ და გაექანა ქმრისკენ, შეხვეული საბანი და ბალიში ჩამოართვა.

— მამა! — იკივლა ლუიჯიმ და კისერზე ჩამოეკონწიალა...

პაოლომ გადაჰკოცნა შვილი და ხმა არ ამოუღია, ისე გადავიდა ღობეზე და გასწია თავისი პატარა სახლისკენ, სადაც ფრანცისკას ქათმებისთვის საკენკი დაეყარა და კიბეზე ჩამომჯდარი კაბას იკერებდა...

— ჯღეს რომ კვირა არ არის, შვილო, და არც რამ უქმე, რაზე ამოსულხარ? იქნება კიდევ რამე მოგიხდება? — უთხრა დედამ, რა გადაეხვია და მიუალერსა პაოლოს...

— არაფერია, დედა... უნდა გავუძლოთ ყველაფერ გასაჭირს... მე აღარ მინდა ციხეში ყოფნა და ამიტომ მივატოვე რომი, მე აღარ მინდა ჩემს მხარეში ცხოვრება, მე მინდა თავისუფალი ვიყო, მე მინდა იმ ქვეყნის ნახვა, ხილვა, დაკოცნა იმ მიწის, რომელსაც ჰქვიათ ყველა ქვეყნის მშრომელთა სამშობლო!...

— სადაა ის ქვეყანა?

— ისაა შორს, ჩრდილოეთში, რომელსაც ჰქვიათ საბჭოთა სოციალისტური რესპუბლიკების კავშირი...

— მერე, მამა, მე? დედა? ბებია? მარტო უნდა ვიყოთ? — უთხრა ლუიჯიმ მამას და უფრო მაგრად ჩაეკრა გულში...

— არაფერია, დედა, როგორმე უნდა აიტანო... მუდამ ხომ ასე არ ვიქნებით, ალბათ ამ მტარვალ

მუსოლინსაც მოეღება ბოლო, აქაც ამობრწყინდება მალე მშრომელთა თავისუფლების მზე და ისევე აქა მნახავთ... თუ არა ამ ხანაგების დაჟინება, რომ დროებით თავი გავცილდე აქაურობას, შეიძლება მე არც კი გადამეწყვიტა წასვლა, მაგრამ... წავალ, იმ ქვეყანაში მე უფრო კარგად შევისწავლი, თუ როგორ უნდა ასეთ მტარვალებთან ბრძოლა... ის ხალხი გამოცდილია უამრავ ბრძოლაში, საბჭოთა კავშირის მუშებსა და გლეხებს თავის მხრებით დაჰქონდათ რევოლუციები... ისინი მიმიღებენ შორეულ სამხრეთელ ძმას, მასწავლიან ბრძოლას და ისე გამოამისტუმრებენ...

დ.

— კარგია ის ქვეყანა, მამა?

— ო, ძალიან, ძალიან, ჩემო პატარა ბიჭიკო... ალბათ კარგია, რომ, ვინც იყვნენ და ჩამოვიდნენ, ყველა აქებს... იქ ფაშისტები კი არ არიან სათავეში, არამედ მუშები. მთელი ძალა-უფლება მშრომელთა ხელშია, სწავლა-განათლება ყველასათვისაა, თავისუფლება ყველაზე ძალიან მათ უყვარდათ და აკი

მოიპოვეს კიდევ... იმათაც ჩვენსავით ჰყავდათ მეფე, მინისტრები, ჟანდარმები, ბურჟუები, მაგრამ აჯანყდნენ, რევოლუცია მოახდინეს, ყველანი გარეკეს და ახლა თვითონ არიან თავისი ბატონ-პატრონი... ის ქვეყანა უყვართ ყველა ქვეყნის მუშებსა და გლეხებს, დამონაგებული კოლონიების ხალხს და მეც იმიტომ მიმიწვეს იქით გული... მაგრამ არ უყვართ ჩვენსა და სხვა ქვეყნის მეფეებს, ბურჟუებს და ფაშისტებს, იმიტომ, რომ ეშინიათ იმათი დახმარებით მათმა შემყურეებმა აქაც ისეთი დღე არ დავაყენოთ მაგათ... აბა



ნორვეგიელი პიონერი.





შენ რომ იქ იყო, განა აქამდე ვერც უსწავლელი მე-  
ყოლები? იქ ყველა შენი ტოლი სკოლებშია უკვე,  
იქ არის ჯერ საბავშვო ბაღი, სადაც მშრომელთა სულ  
პატარა ბავშვები იზრდებიან, თამაშობენ, მღერაიან,  
ვარჯიშობენ, მერე, ცოტა რომ მოიზრდებიან, შრო-  
მის სკოლებში სწავლობენ; ოქტომბრელებს ეძახიან  
მათ, იმიტომ ეძახიან ასე, რომ იმ ქვეყანაში რევო-  
ლუცია მოხდა ოქტომბერში და ბავშვებსაც ოქტომ-  
ბრის შვილებს, კომუნის ყვავილებს ეძახიან.

და პაოლომ ბევრი კიდევ სხვა უამბო, რომ-  
ლითაც საამაყო საბჭოთა კავშირი... ისეთი აღტაცე-  
ბით მოუთხრობდა მამა ლუიჯის, რომ ბავშვის სანა-  
ტრელი და საოცნებო მხოლოდ ისღა იყო, რომ  
ენახა საბჭოთა კავშირი და თვითონაც პიონერი გამ-  
ხდარიყო, პატარა წითელი დროშა აეღო ხელში და  
სხვებთან ერთად ევლო ქუჩებში სიმღერით; ის რამ-  
დენჯერმე შეეხვეწა მამას, რომ თან წაეყვანა  
ისიც...

2.

გარეთ ბაბრიამ დაიყვება, რა მოაჯირზე ვილაც  
გადმოხტა...

— ვგონებ დროა... მოვიდა პიეტრო, ჩემი წამ-  
ყვანი...— ჩაილაპარაკა პაოლომ და რა ადგა, კარზე  
ნელი კაკუნი მოისმა...

— აა, პიეტრო, შენა?— შეეკითხა პაოლო და  
კარს ურდული გადუგდო, გააღო, მაგრამ ელდანაკ-  
რავმა უკან დაიწია...

მის წინ ვილაც იდგა ლევა მანტიით მხარზე, ნილ-  
ბით და რევოლვერით ხელში...

— პაოლო პერინი?— შეეკითხა ის მრისხა-  
ნედ...

— დიად, მე გახლავარ! რა გნებავთ?

— როგორც კომუნისტს და საბჭოთა კავშირში  
გამგზავრების მოსურნეს, მოვედით ხელი შეგიწყოთ,  
კარეტა მზად გახლავს...— უთხრა უცნობმა დაცინ-  
ვით და ნილაბი მოხიდა...

პაოლომ იცნო ფაშისტი, მილიციის კომისარი  
გუმბეტო ტერაჩინი, რომლის ხელშიც უკვე ორჯერ  
იყო დაპატიმრებული...

— აა, გასჩხრიკეთ!— მიუბრუნდა ის მასთან  
მხლებელ ორ პოლიციელს, რომლებიც აგრეთვე  
ლევა მანტიაში იყვნენ...

— ჰმ... ეს უკვე მეხუთედ მჩხრეკენ...— ჩაილა-  
პარაკა პაოლომ და გადახედა ნაღვლიანად დედას,  
ცოლს, შვილს, თითქოს უნდოდა უხმო გამოთხოვე-  
ბით რამე უთხრასო; ის თითქოს გრძნობდა, რომ ეს  
უკანასკნელი იყო მისი სახლში ყოფნა... იმან იცოდა,  
თუ რას ნიშნავდა ფაშისტების დაცემა ნილაბით; ასე

წაყვანილი კაცის ასავალ-დასავალი ველარ გაიგე-  
ბოდა...

— აა, წამომყეთ!— უბრძანა მან პაოლოს და  
წავიდა კარისკენ, პოლიციელნი კი, რომელთაც ჩხრე-  
კით ვერაფერი აღმოაჩინეს, აქეთ-იქით ამოუდგენ პა-  
ოლოს.

— ნახვამდე, დედა... ანუელიკა, ბავშს მიხედე,  
ის აღზარდე და უამბე ყველაფერი, თუ როგორ ექ-  
ცვოდენ მის მამას...— და რა ეს უთხრა ცოლს, ბავ-  
შისკენ მიიწია გადასაკოცნად, მაგრამ ორმა პოლიცი-  
ელმა მაგრად სტაცა მკლავებში ხელები და არ გა-  
უშვა...

პაოლო აენტო, სიბრაზისაგან თვალები დაუბ-  
ნელდა... რას ფიქრობდა, სად აპირებდა წასვლას და  
სად მიჰყავთ? ან გზაში მოკლავენ და სადმე მიმალა-  
ვენ, რომ უგზო-უკვლოდ დაკარგონ, ან კიდევ აფ-  
რიკაში, კირენაიჯაში, ტრიპოლში გაგზავნიან მალა-  
როებში სამუშაოდ... და თვითონაც არ ახსოვს, თუ  
როგორ აღმართა მუშტი და საშინელის სიმძიმით  
დაუშვა ერთ-ერთ პოლიციელს თავზე, რომელიც და-  
რეტიანდა, დაბარბაცდა და გაიშხლართა იატაკზე...

— აა, ეგენიც შეგიძლია?!— დაიღრიალა კომი-  
სარმა და რევოლვერმაც იელვა...

— ააჰ!.. დედა... საყვარელო ანუელიკა... ლუი-  
ჯი...— და ამ სიტყვებით თვალები ჰერს მიაშტერა,  
გულიდან ნაშადრევნევა სისხლმა იხეთქა...

რევოლვერის ხმაზე და ქალების წივილზე ლუ-  
იჯი შეშინებული წამოხტა და მორთო ტირილი...

დედა და ცოლი დასტიროდენ პაოლოს, ლუი-  
ჯი კი მუშტებს უღერდა იმ უცნობებს, რომლებმაც  
მამა მოუკლეს და ღამის სიბნელეში გაჰქრენ...

3.

— აი, ჩემო ლუიჯი, შენ რომ გაიზრდები, მა-  
შინ იძიე შური მამაშენის მკვლელებზე და მისგან  
დაწყებული საქმე შენ დაამთავრე. დედაშენიც ხომ  
ჯაგრმა იტანა...— ეუბნებოდა ბებია ფრანცისკა ამ  
მომხდარი ამბიდან ერთი კვირის შემდეგ.

— ვფიცავ, ბები, რომ აღვასრულებ... მე წავალ  
იქ, სადაც მამა აპირებდა წასვლას, იქ პიონერი გავხ-  
დები, ვისწავლი ბრძოლას, დავბრუნდები აქ და მა-  
შინ ნახონ ფაშისტებმა!..— მიუგო ლუიჯიმ და მუშ-  
ტები შეიქნია რომისკენ...

დაიწყო მარტოობა ლუიჯისთვის, ობლობის სა-  
შინელება... აღარც მამა, აღარც დედა, ბებია მუდამ  
სტირის, და ბავშს აუტყდა ფიქრები იმ ქვეყანაში  
გამგზავრების, სადაც მამა აპირებდა წასვლას და ერთ  
დილას, როდესაც ბები ბაღში შევიდა ფორთოხლის მო-  
საკრეფად, გადიგდო აბგა გვერდზე, გამოიღო განჯი-





პიონერები ვარჯიშობენ.

ნიდან ორი პატარა პური, მანდარინა, კარაქი და დაადგა შარა გზას ნეაპოლისკენ, რომელიც არც ისე შორს იყო...

ნეაპოლში იმიტომ წავიდა, რომ იცოდა იქ ზღვა იყო, ნავსადგური და, მაშასადამე, ის გემებიც იქნებოდა, რომლებიც მიდიან გიბრალტარისკენ, აფრიკისკენ, დარდანელისკენ და ყველა იქითკენ, რომლებზედაც არა ერთ ზღაპრებს ელაპარაკებოდა ხოლმე ბებია და ერთ-ერთი გემი ალბათ საბჭოთა კავშირშიაც იქნება მიმავალი. შეეხვეწება კაპიტანს, მესვლეურებს, რომ უნდა ის ქვეყანა ნახოს, სადაც პიონერები არიან და სადაც ბრძოლას ისწავლის, რომ დაბრუნდეს ისე იტალიაში და გადაუხადოს მამის მკვლელ ფაშისტებს სამაგიერო...

ასე ალაღბედად დაადგა გზას ლუიჯი და ამ ფიქრებში ჩაეძინა ახლა თივაზე რონოდაში...

— საბრალო ბები, ვინ იცის, როგორ მეძებს...  
 ესლა ჩაილაპარაკა და ხვრინვაც ამოუშვა...

**ზ.**

უკვე კარგად გათენდა, რომ ნეაპოლის ვიწრო ქუჩებს გაჰყვა...

გეზი ნავსადგურზე აიღო...

იქით, საითაც ისმოდა ზღვის ტალღათა ტყლაშუნი ნაპირებზე, თითქოს ურმის კოფოზე მჯდომი

მეურმე საყვერის ხარებს გრძელ შოლტს უტყლაშნებსო...

ხალხი, ურმები, ორთვალეები, მეზარგულენი, მეხილენი, მეწვანილენი და მეეტლენი ირევიან ქუჩებზე. ლუიჯის ქალაქს შეუჩვეველი თვალეები ერევა, არ იცის, როგორ აუხვიოს ამდენ ზღვა ხალხს...

შუადღეზე უკვე ნავსადგურში იყო...

საშინელი სიციხე იყო, როგორიც ხშირია ხოლმე ნეაპოლში, და ქუჩებს ბული ასდიოდა; მხოლოდ ზღვას მოჰქონდა ცხელი აფრიკის ქარი, რომელიც უნიავებდა ქოჩორს...

ლუიჯის წინ იყო გაშლილი მოლურჯ-მომწვანო ზღვა, რომლის მარმამა ზვირთებზეც მიმოსკურავდენ თეთრი გედებივით აფრავაშლილი ხომალდები... ნავსადგურში მრავალი გემი იდგა... მამისგან ჰქონდა გაგებული, რომ საბჭოთა კავშირის გემებზე წითელი დროშა ფრიალებს და ზედ ჩაქუჩ-ნამგალი ჩანს ხუთქიმიანი ვარსკვლავითო, ამაზე კი ნახევარი მთვარეა, მაშასადამე, ის არაა...

— საბჭოთა კავშირის გემი რომელია? — ჰკითხა ლუიჯიმ ერთ ქრელქუდიან ნეაპოლელს, რომელმაც გაკვირვებით შეხედა ლუიჯის და ჰკითხა:

— რად გინდა, პატარავ?

— ისე... მინდა ვნახო... — უნდოდა ეთქვა, რომ იმ ქვეყანაში წასვლა უნდა, მაგრამ რა გაახსენდა, რომ ამისათვის მოჰქონდა მამა, შეჩერდა, გადაასხვადგრა.



— აგერა, შუქურასთან, განცალკევებით... —  
 უთხრა ნეაპოლელომ და ხელი გაუშვირა მოშორებ-  
 ბით რეიდზე მდგარ გემზე; რომელიც ამ დილას  
 შოვიდა გიბრალტარის მხრით და რომელსაც დიდძა-  
 ლი ცნობისმოყვარე ნეაპოლელო შემოესია. ყველანი  
 გაკვირვებით უყურებდნენ გემს, რომლიდანაც მოის-  
 მოდა ახალგაზრდა მეზღვაურთა მხიარული სიმღერა.  
 ყველას უკვირდა იმიტომ, რომ რამდენიმე წლის  
 განმავლობაში აღარ ენახათ იმ ქვეყნის გემი, რო-  
 მელსაც ოდესღაც რუსეთის იმპერია ერქვა და რომ-  
 ლის ბაირალზეც ორთავიანი შავი არწივი ეხატა... ეს  
 პირველი გემი იყო გასაბჭოების შემდეგ, რომელ-  
 ზედაც ნელა ირხეოდა სისხლისფერი დროშა და  
 ზღვის ლურჯ-მომწვანო ფონზე, ვით მწვანით მოსიღ  
 მინდორზე, ყაყაოს მოგაგონებდათ...

ლოუიჯიკ მივიდა იქ, ყური დაუგდო, თუ რას  
 ლაპარაკობდნენ ნეაპოლელები, რომლებიც მხიარუ-  
 ლობით განთქმულნი არიან, და რა გემიდან მათზე  
 უფრო მხიარული ხალხის სიმღერა შემოესმათ, გაკვირ-  
 ვებული იყვნენ...

თ.

— ძია, არ შეიძლება წაიყვანოთ თქვენს ქვე-  
 ყანაში? — შეეკითხა ნაპირზე ჩამოსულ მეზღვაურებს,  
 რომელნიც მიდიოდნენ ქალაქის დასათვალიერებლად  
 ადგილობრივი ხელისუფლების განსაკუთრებული ნე-  
 ბართვით და მეთვალყურეობით, რადგანაც ცენტრი-  
 დან ჰქონდათ განსაკუთრებული საიდუმლო ბრძანება,  
 რომ საბჭოთა გემის მეზღვაურები არ ჩამოეშვათ  
 ნაპირზე და თუ ჩამოუშვებდნენ, სასტიკი თვალყური  
 დაეჭირათ, თორემ მათ თან დააქვთ გადამდები სნე-  
 ულება, რომელსაც რევოლუცია და კომუნისმი  
 ეწოდებაო; მაგრამ ცნობისმოყვარე ნეაპოლელები  
 ბუზებივით ეხვეოდნენ მეზღვაურებს და თუ რომელიმე  
 მათგანმა დამტვრეული რუსული იცოდა, ეკითხებო-  
 დნენ საბჭოთა კავშირზე.

— მიშა, მოდი, შენ იცი იტალიური ენა და ნა-  
 ხე, რას ამბობს ეს ნეაპოლელო პაცანა... — გადაულა-  
 პარაკა ვანომ ამხანაგს, რომელიც ნეაპოლელებს ახს-  
 ნა-განმარტებას აძლევდა...

— რა გინდა, პატარა ამხანაგო? — შეეკითხა ლუ-  
 იჯის მიშა მის მშობლიურ ენაზე, რამაც ბავშვის გა-  
 კვირვება და აღფრთოვანება გამოიწვია. ლუიჯიმ წა-  
 მოიძახა: — მაშ, თქვენში იტალიური ენის მკოდნენიც  
 არიან? მე აქვე ახლოს, ნეაპოლის მიდამოებიდან ვარ,  
 იქ არის ჩემი სოფელი... — და ხელი გაიშვირა ვეზუ-  
 ვისკენ... ლუიჯი მოუყვა მამის ამბავს, მის სურვილს,  
 დედის სიკვდილს, დაობლებას და თავის გადაწყვე-  
 ტილებას, რომ რათაც გინდა დაუჯდეს, მოხვდეს  
 საბჭოთა კავშირში, სადაც პიონერად ჩაეწერება, სა-  
 დაც ასწავლიან ბრძოლას, რომ დაბრუნდეს და მამის  
 მკვლელ ფაშისტებზე შური იძიოს...

მიშამ გადაულაპარაკა ამხანაგებს ლუიჯის ამბა-  
 ვი და სურვილი...

— როგორ, ჩვენში ცოტანი არიან პაცანები,  
 რომ აქედანაც არ წაიყვანოთ?

— არა უშავს-რა, ჩვენი უდიდესი კავშირის მა-  
 გასაც დაიტევს...

— წაიყვანოთ...  
 გაისმა მხიარულ მეზღვაურებში...

— კარგი, პატარავ... ჩვენ აქედან გავალთ  
 ზეგ საღამოს და მაშინ მოდი. წაიყვანოთ... — უთხრა  
 მიშამ და თავზე ხელი გადაუსვა ალერსით.

— ძია, მე აქ არავინა მყავს და არ ვიცი ვის-  
 თან გავათიო ღამე... სოფელში კი ველარ დავბრუნ-  
 დები, იქ ბები არის და აღარ გამომიშვებს... მე კი მინ-  
 და წამოსვლა და ბრძოლის წავლა...

— კარგი... იყავი... ამხანაგებო, აიყვანეთ გემ-  
 ზე... შენს ბების კი მივწეროთ, რომ აღარ დაგიწ-  
 ყოს ძებნა... — უთხრა მიშამ და ლუიჯის გამოჰკითხა  
 სოფლის სახელი, ბებიას სახელი და გვარი... — აბა,  
 დასწერე წერილი...

— წერა არ ვიცი, ძია... — მიუგო ლუიჯიმ.  
 მაშინ მიშამ აიღო და დასწერა...

— ჩვენში კი შენმა ტოლებმა წერა-კითხვა კარ-  
 გად იციან, იქ სავალდებულოა სწავლა-განათლება...

ი.

ლოუიჯის სიხარულს საზღვარი არა ჰქონდა, რო-  
 ცა მესამე დღეს გაისმა საყვირი და გემი დაიძრა;  
 ამოვიდა კაიუტიდან ბაქანზე და უკანასკნელად გადა-  
 ხედა ნეაპოლს და შორს ვეზუვის, რომლის დაბლა  
 კალთებზეც რჩებოდა მისი სოფელი და საყვარელი  
 ბები... ის უკვე ორი დღელამე იყო, რაც ბაქანზე არ  
 ამოსულიყო, რადგანაც მეზღვაურებმა გააფრთხილეს  
 არავის სჩვენებოდა, თორემ არ გამოუშვებდნენ, რად-  
 განაც ჩუმად მიჰყავდათ...

ლოუიჯის თუმცა გული სწყდებოდა, რომ სტო-  
 ვებდა ნეაპოლს, სოფელს მანდარინის და ფორთო-  
 ხალის ბაღებით, საყვარელ ბების, მაგრამ რა გაახ-  
 სენდა მამა, დედა და შურისძიება ფაშისტებზე, და ის  
 ქვეყანა, სადაც ისწავლიდა ბრძოლას, სადაც ყველა  
 ლუიჯისთანა ბავშს შეუძლია თავის სამშობლოზე  
 უკეთესად ცხოვრება, სწავლა, ბრძოლა, — ღიმილი გა-  
 დაეკრა სახეზე...

ის მიდიოდა ახალ ქვეყანაში, აღთქმის ქვეყა-  
 ნაში, სადაც მზე ლუიჯისთანებს დაჰხარის, სადაც  
 არც ფაშისტები არიან შავი ნიღაბებით და არც  
 ტანჯვა, სადაც ახალი ცხოვრება იქმნება თავის-  
 უფლებების ამღერებით... და ლუიჯი ბედნიერად  
 ჰგრძნობდა თავს, უხაროდა...

გემი კი ურჩი შუბლით მიანგრევდა ხმელთაშუა  
 ზღვას, გასცურა პალერმო, მესინის სრუტე, აღრია-  
 ტიკა და არქიპელაგის კუნძულებ შუა გასწია დარ-  
 დანელის ბოლახისკენ...

ლოუიჯი უკვე მეორე კვირა იყო ზღვაზე და  
 მოუთმენლად ელოდა საბჭოთა კავშირის ნავსაყუ-  
 დელს ხუთქიმიანი შუქურათი...

ს. ერთაწმინდელი.





(ცხრაას ხუთი წლის ამბავი).

### მატარებელი მიჰქრის

უკან დასტოვა მატარებელმა მთა-გორიანი ადგილები და ახლა დაბლობში მიჰქრის.

დაბლობი ჭაობიანია და ამ ჭაობში ხარობს დაუსრულებელი ლორთქო თხმელები, რომელნიც მსრბოლავი რონოდის ფანჯრებიდან ისე მოჩანან, თითქო მატარებელს ხტუნვა-ტრიალით მოჰყვებიანო.

გარდა თხმელებისა, ჭაობში ბუდობენ ბაყაყები და მუდამ, როცა გარემოს ეფინება სქელი და ნესტიანი ბინდი, ჰაერი უეცრად გრილი ხდება და ბაყაყები აბამენ გაუთავებელ ყიყინს.

ახლაც დაეშვა ბინდი.

ჰაერი ჩვეულებრივ გაგრილდა, და ბორბლების გრიალში ისმის ბაყაყების ხმაური.

ბინდი რონოდებში შემოიჭრა და მგზავრები ძლივს არჩევენ ერთმანეთის სახეს; მაგრამ საუბარი მაინც გრძელდება და თეთრწვერიანი კაცები მალ-მალე ეწევიან ჩიბუხს. მართალია, დამშვიდებით საუბრობენ და ხანდახმით სიცილიც გაისმის რონოდაში, მაგრამ ყველას ემჩნევა უჩვეულო აღელვება, რომელიც, ვინ იცის, რას მოასწავებს—მოსალოდნელ სიხარულსა თუ კრთომას? ან იქნებ ორივეს ერთად?

— მორჩა, ჩემო ბიძია, მორჩა!—აცხადებს ერთი მოხუცი კაცი და დაბეჯითებით უცქერის მეზობლებს. მას ხელათვე გულმოდგინედ უმოწმებენ სხვები და ვილაც იძახის:

— შაქარი თქვენს პირს, თუ მართლა მოვისვენეთ!—

როგორც ჩანს, ამ სიტყვებში იქვი გამოკრთა და იქ მსხდომებმა დაუწყეს ამ ერთს მტკიცება:

— სწორია, მართლა მორჩა!

— განა არა?—ამბობს მოხუცი,—ისე სცხებენ, რომ მეფის ტახტი კი არა, ციხე-სიმაგრე ვერ გაუძლებს.

— მორჩა ხელმწიფის საქმე, მორჩა!—

იძახიან გადაჭრით და ცდილობენ ბოხის ხმით ილაპარაკონ იმიტომ, რომ მხოლოდ ბოხი ხმა შე-

ფერის ასეთ ამბავს და კიდევ იმიტომ, რომ საჭიროა ბორბლების გრიალს გადააჭარბონ.

მალე რონოდაში შემოვიდა მსახური და სანათურში კართოფილის სანთელი აანთო. რონოდა მკრთალად განათდა.

— ასე გაგინათდა კერია!—გაეხუმრა ვილაც ჭაბუკი მსახურს და მთელმა რონოდამ გაიცინა, მაგრამ, როგორც ჩანს, მსახური გუნებაზე არ იყო, ან ხუმრობა არ დაუჯდა და მას არ გაუცინია. ის შემოსასვლელ კარებში იდგა და მგზავრებს ათვლიერებდა.

ლარიბულად ეცვათ მგზავრებს; თითქმის ყოველ მათგანს წინ ხურჯინი ელო და ამ მკრთალ სინათლეში გარკვევით ჩანდა, რომ ყველა ისინი გამხდარი სახისაწი იყვნენ.

შეიძლება მგზავრების სიგამხდრეს მიაქცია ყურადღება მსახურმა, რომ ის არ იძროდა და ისევ მგზავრებს ზვერაავდა.

მგზავრებმაც ყურადღება მიაქციეს მსახურის ყოფაქცევას და რადგან არავის სიამოვნებდა მისი დათინებული ცქერა, ამიტომ საუბარი შეანელეს, თუმცა შეწყვეტით არ შეუწყვეტიათ.

მგზავრები ახლა ხმადებლა საუბრობდენ და მსახურის გასვლას ელოდენ; ის კი იდგა ისევ და არ მიდიოდა. მაშინ ერთმა მოხუცმა ვერ მოითმინა და მსახურს შეუტია:

— რას გვზვერაავ, ჩემო ბიძია? სინათლე ხომ მოგვიტანე, შენი ვალდ მოხდილია, დაგვანებე ახლა თავი!—


მოხუცს ირგვლივ დაემოწმენ:

— მართალია, მართალია!—

სადღაც რონოდის სიღრმეში მუქარაც გაისმა:

— თავს გაუფრთხილდი, ჰეი, ძმობილო, სხვა დროა, სხვა დროა! და უეცრად მგზავრები შეეჭედენ, რომ ეს მსახური კარგი კაცი არ უნდა ყოფილიყო. მაგრამ ვნახოთ, მსახურმა ამოისუნთქა და ხმა-მალლა სთქვა:





— ბატონი ყმასა ასაქმებს და ჭკუას გამოცდი-  
ლება! — მერე ხმას დაუწია და მოხუც კაცს, სწორედ  
იმას, რომელმაც ამას წინათ მას შეუტია, ჩურჩულით  
რალაც უთხრა და სხვა რონოდამი გავიდა.

მოხუცს აღელვება დაეტყო. მოხუცი კრთომით იმ-  
ზირებოდა ირგვლივ, თითქო სურს რომელიმე მგზავრს  
სახიფათო საიღუმლოება გაანდოს, მაგრამ ვერავის-  
თვის გაუნდვიაო. მოხუცი თავის შიშსაც ვერ ფარავდა.  
მგზავრები შეფრთხილდნენ.

რამდენიმე კაცი გადიხარა მოხუცისაკენ. რამ-  
დენიმემ იკითხა:

— რა სთქვა იმ კაცმა ასეთი! —

— გვითხარი, რა სთქვა! —

მოხუცმა დაიძახა:


— ნამდვილი კაცი ყოფილა ეს დალოცვილი! —

ამის შემდეგ რონოდამი ერთმანეთს ეუბნებო-  
დნენ, თუ რა სთქვა მსახურმა და ყველამ იცოდა:

ჟანდარმები მატარებელს სჩხრეკენ; ჟანდარმებმა  
წინა რონოდები უკვე გაიარეს, ახლა ჩვენსას უახ-  
ლოვდებიან და ვიდაცას დაეძებნენ, ხოლო ვინმე თუ  
ისეთი არის აქ, თავს უნდა უშველოს! —

**იაკინთი — თვალი პატროსანი და შვილი მისი გოგი.**

ამის გაგონებაზე ერთი შეიშინებულ კაცი წამო-  
დგა და შეუმჩნევლად თანჯარასთან გადაჯდა. მან ტყა-  
ვის მათრაშა რაფაზე ჩამოსდო და ვითომ გრილი  
ნიავი მოენატრაო, თანჯარას შერეულად ფალო...



ის არ იქცევდა არავის ყურადღებას და არც თვი-  
თონ იჩენდა სხვებისადმი ცნობისმოყვარობას. იჯდა  
თითქმის უღარდელად, არც საუბარში ჩარეულა ამ-  
დენ ხანს, არც გაუცინია.

მატარებლის სრბოლისაგან ოდნავ ირწეოდა, ისე,  
როგორც სხვები და ერთ-ორჯერ თამბაქოც ააბოლა,  
მაგრამ მისი თამბაქო კარგი ხარისხისა იყო, კეთილ-  
სუნელოვანი და, როგორც ჩანს, ქალაქური. ხანდა-  
ხან კიდევ სთვლემდა ჩუმ-ჩუმად და მეტი არაფერი.

ახლაც, ფანჯარასთან რომ ზის, შესამჩნევად ღე-  
ლავს. ის დაბალი ხმით ორიოდ სიტყვას მიუგდებს  
მის პირდაპირ მჯდომ თორმეტოდე წლის ბავშს და  
ფრთხილად იღიმება.

კარგად თუ დააკვირდებით, შეატყობთ, რომ მის  
სიტყვებსა და ღიმილს შორის კავშირი არ არი და  
ცხადია, სხვების თვალის ასახვევად იქცევა ასე: აქაო  
და სახუმრო რამეზე ვსაუბრობთო. ამ დროს ის ირ-  
გვლივ იცქირება და თვალები მოუსვენრად უფლვა-  
რებს, მაგრამ მას ყურადღებას არ აქცევენ და ის  
კვლავ იღიმება და ბავშს ეუბნება:

— აბა, შენ იცი, გოგი! —

გოგი ფერმკრთალი უსმენს და თავი ისე უჭი-  
რავს, თითქო ამ კაცს შორიდან იცნობდეს. ეს იმი-  
ტომ, რომ თვითონ ამ კაცმა დაარიგა ასე.

გოგის კარგად ახსოვს დარიგება. ამ კაცსაც კარ-  
გად ახსოვს. კაცი დააკვირდა ბავშს და ჰკითხა:

— ხომ არ გეშინია, გოგი? —



მუსიკალური წრე კოლექტივში.





— არა!—თავი გადააქნია ბავშმა.

ამის შემდეგ შავგვრემანი კაცი დამწვიდდა და ბავშვს არ უყურებს.

ცხადია, მას ბავში ეცოდება; ეცოდება იმიტომ, რომ თვითონ სახიფათო საქმეშია და ბავშიც ამავე საქმეშია გაბმული; მაგრამ არა უშავს, გოგი მხლალი ბიჭი არ არის; გოგი გულადია და ამ სახიფათო საქმესაც სწორედ გულადობა სჭირია.

ასეთ ფიქრებში რომ იყო შავგვრემანი კაცი გართული, მის გვერდით ვილაკამ ხმამაღლა გაიციხა და ამ სიცილზე შავგვრემან კაცს ერთი ქალაქელი ნაცნობი მოაგონდა.

ხშირად დადიოდა ეს კაცი ქალაქელ ნაცნობთან. ქალაქელი ნაცნობი მასწავლებელი იყო, შავგვრემანი კი ხურო. და ყოველთვის, როცა ეს ჩვენი შავგვრემანი კაცი მივიდოდა მასწავლებელთან, მასწავლებელი ფეხზე დგებოდა და ამგვარი ძახილით ესალმებოდა:

— აა, ჩემო იაკინთე, ანუ იავუნდო, ანუ თვალო პატროსანო!—

შემდეგ ამისა, ისინი ერთმანეთს ხელს ართმევდენ და მასწავლებელი ხელს ხელზე უჭერდა: მაგრამ რადგან იაკინთე ხელობით ხურო იყო, ამიტომ მარჯვენაც მაგარი ჰქონდა და გულკეთილი მასწავლებელი გატაცებით იძახოდა:

— ჩემო იაკინთე, ყველამ რო ასეთი ღონით მოგუჭიროთ ამ თვითმპყრობელობას, საქმე დიდი ხანია გათავებული იქნება!

იაკინთე უპასუხებდა:

— დარდი ნუ გაქვს. ამასაც მოვესწრებით!—

და მართლაც, ათას ცხრაას სამ წელს თუ ამნაირად საუბრობდენ. ახლა უკვე ცხრაას ხუთი იყო და, როგორც ჩანს, მთელი ქვეყანა ასევე ფიქრობდა და საქმისათვის ემზადებოდა,

ღელავდა ყველა.

მასწავლებელიც ღელავდა.

მაშინ იაკინთემ რაღაც დიდი დავალებანი მიიღო, ერთი მათრაშა ქალაქლებით აავსო და ქალაქიდან დაიძრა; თან იახლა უფროსი ვაჟი - გოგი.

გოგი სიხარულით წამოვიდა.

სანამ მატარებელში ჩასხდებოდენ, იაკინთემ გოგი დაარიგა, გზაზე როგორ უნდა მოქცეულიყო, და გოგის ეს კარგად ახსოვს.

ახლა ბავშვს უბეში საიდუმლო წერილები უდევს და ამ შავგვრემან კაცს არც უყურებს, თითქო არც იცნობდეს მას.

მაგრამ ჩვენ ვიცით კარგად, რომ ეს შავგვრემანი კაცი იაკინთეა და ეს ბავში კიდევ მისი შვილი.

უეცრად უკანა რონოდისა და გაუგებარი ჩოჩქოლი მოისმა და ამ ჩოჩქოლზე მთელმა რონოდამ წამით სული გატვრინა და შემდეგ, თითქო ამოიგმიწნაო, ახმაურდა.

მგზავრები წამოდგენ.

საწოლებ შუა ადგილებში ხალხი დაიძრა უკანა რონოდაში გასასვლელად, რადგან ბევრს უნდოდა გაეგო, თუ რა ხდებოდა იქ.

ისედაც ბევრი იყვნენ მგზავრები, მაგრამ როდესაც ყველანი წამოდგენ და ცერებზე დამდგარნი გასასვლელად მიიწევენ, მაშინ რონოდაში მცირედი ადგილიც არ დარჩა თავისუფალი.

როგორც ჩანს, დაძრული ხალხი ვილაკამ არ გაუშვა და გასასვლელ კარებში შეაყენა.

— ნუ მიდიხართ, კაცო, ნუ!—

— სიფრთხილეა საჭირო!—

— ჩუმად, ჩუმად!—

— სიფრთხილეს თავი არ სტკივა!— ისმოდა მგზავრების დამფრთხალი ხმები.

ამავე დროს უკანა რონოდაში ხმაური გაძლიერდა და ახლა ამ ხმაურში მოისმოდა ვილაკების ყვირილი.

რონოდამ კვლავ ხმა გაკმიდა. მგზავრები, რომელნიც ცერებზე იდგენ, იმავე მდგომარეობაში დარჩენ, ხოლო დასაძინებელ საწოლებზე წამოწოლილებმა კისერი დაიგრძელეს და აგრეთვე დამფრთხალნი მალლიდან გაჰყურებდენ შემოსასვლელ კარებს.

ყველა ელოდა კარების გაღებას, კარებში თანდარმების გამოჩენას და ამ მოლოდინში სუნთქვასაც კი იხშობდენ. ამის გამო ჩამოვარდა სიჩუმე. ძალუმაღ ისმოდა ახლა ბორბლების გრიალი და ყოველი ბაყაყის ხმა გარკვევით იჭრებოდა რონოდაში.

ამ სიჩუმეში ვილაკამ ამოისუნთქა და ამოისუნთქვას ამოაყოლა ჩუმი ხმა, რომელიც მკვეთრად ჩაესმა ყველას:

— თუ ვინმე ისეთი ხარ, თავს უშველე!—

იაკინთესაც ჩაესმა ეს გაფრთხილება და მას გული ოდნავ აუძვინდა.

იაკინთე ფიქრობს:


— არ ივარგებს ახლავე გადავხტე მატარებლიდან. შეიძლება აქ სრულებით არ მოვიდენ და აუტკივარი თავი რათ უნდა ავიტკივო?—

მიუხედავად ამისა, იაკინთე აღელვებულია: ის ზის გაუნძრევლად, მაგრამ თვალებს ატრიალებს და ირგვლივ ყველაფერს ზვერავს.

ასე იჯდა მცირედ ხანს და სანამ ასე იჯდა, იაკინთეს აგონდებოდა განვლილი სადგურები და მთელი მგზავრობა.

იაკინთე გამოცდილი კაცი იყო.





პიონერები აგარაკზე.

გამოცდილებას სიფრთხილელეც თან დაერთო მისთვის, მაგრამ ერთ სადგურზე წესი დაარღვია და ბაქანზე ჩავიდა.

და როგორც კი ჩავიდა ბაქანზე, იმავე წუთს იგრძნო, რომ მას ვიღაც ათვალისწიერებს.

იაკინთემ მოიხედა და ხელათვე იმ კაცმა, რომელიც მას მართლა ათვალისწიერებდა, ისეთი გამომეტყველება დაიჭირა, თითქო თავისთვის უსტვენს და სხვა არაფერიო.

იაკინთე ამას მიხვდა, მაგრამ არ გაუმჟღავნებია.

სამაგიეროდ, ის კაცი სწრაფად დაიძრა ადგილიდან, ჯერ იაკინთე კარგად დაათვალისწიერა და შემდეგ იქვე ჟანდარმების საგუშაგოში შეძვრა.

ცხადია, საქმე ცუდად იყო და იაკინთე რონოდანში დაბრუნდა, ხოლო როცა მატარებელი დაიძრა, იაკინთემ დაინახა, რომ სამი ჟანდარმი იმ კაცის თანხლებით მატარებელს მოახტა და, აი, კიდევ დაეძებნ მას.

— უჰ, რას ჰგავდა მაინც ის ჯაშუში? — ფიქრობს იაკინთე. ერთი რომ სახით უკეთური იყო და როცა იაკინთეს ზვერავედა, ისე იდგა, თითქო მის ყურადღებას არაფერს იპყრობდა.

ასე იქცევა ვერაგი კატა, როცა ბელურებზე ნადირობს.

კატამ იცის, რომ ბელურებს ნაკელი უყვართ. ამიტომ კატა ნაკელთან დავარდება, თათებს უმწეოდ გაშლის და თვალებს დახუჭავს, თითქოს მოვკვდიო.

სულელ ბელურებს ეს სჯერათ. ისინი თამამად უახლოვდებიან კატას, და კატა მათ იჭერს და სჭამს.

იაკინთეს ესეც მოაგონდა და თავისთვის ჩაიკინა:


— არა, ჩემო ძმაო, — ფიქრობდა ამ დროს ის, —

იაკინთე სულელი ბელურა არ არის, რომ უბრალოდ თავი წააგოს. მართალია, არც ჟანდარმებია ბელურები, მაგრამ თავს მაინც არ წააგებს. ხოლო თუ საქმე გაჭირდა, იაკინთეს ჯიბეში რევოლვერი უდევს და რევოლვერში კიდევ შვიდი ლამაზი ტყვია..

უეცრად რონოდანში ხმაური გაძლიერდა. მერე უეცრადვე შესწყდა და ორივე მხრივ რონოდის კარები გაიღო და კარებში გამოჩნდნ ჟანდარმები; მათ თან ახლდათ ჯაშუში.

რადგან ჟანდარმების გამოჩენაზე ფეხზე მდგომი ხალხი დაფრთხა და აირია, ამიტომ ჟანდარმმა იყვირა, რომ ხალხს სიმშვიდე დაეცვა და ადგილიდან არავინ განძრეულიყო.





ამავე დროს ჯაშუშმა იაკინტეს მოჰკრა თვალი, და იაკინტემაც დაინახა, რომ ჯაშუშმა იგი იცნო. იაკინტე ისევ იჯდა.

ჯაშუშმა ჟანდარმს ხელი ვაჰკრა:

— ეგერ ზის!—უთხრა მან ჟანდარმს.

— აბა რომელი?—სწრაფად იკითხა წითურმა ჟანდარმმა და ხელი რევოლვერის ამოსაწვდომად წაიღო. მას რევოლვერი არც კი ამოუღია, რომ მორთო ყვირილი:

— არ გაბედო, არ გაბედო, მოგკლავ!— შორიდან უყვიროდა ის იაკინტეს და მუშტებით ცდილობდა ხალხის გარღვევას.

მეორე მხრივაც დაიძრენ ჟანდარმები, და მათაც უნდოდათ შავგვრემანი კაცის ხელში ჩაგდება, მაგრამ ხალხი დაიბნა და რონოდაში ყველაფერი აირია.

იაკინტემ კი მაფრასა ღია ფანჯარაში გადაისროლა და სწრაფად თვითონაც გადახტა. ერთმა ჟანდარმა მოასწრო ყვირილი:

— არ გაუშვათ!—მაგრამ გვიანლა იყო.

მატარებელი მიჰქროდა.

ჟანდარმები მიადგენ ღია ფანჯარას და ალაღბედზე, იაკინტეს მიმართულებით რევოლვერები გაისროლეს; შემდეგ ხალხი დატუქსეს, რევოლვერის კონდახებს ჰაერში ატრიალებდნენ და ერთი უყვიროდა მამაკაცებს:

— მამაკაცები კი არა, სწორე გითხრათ, ბატები ხართ!

მეორე ყვიროდა:

— რა უნდა გელაპარაკოთ, ძროხებო, როცხვირის წინ დამნაშავე ვაგექცათ!—

ჟანდარმები წავიდნენ და რონოდაში თავდაქერილი ჟრიამული ატყდა. ერთმა კაცმა მოუთმენლად სთქვა:

— აფერუმ, ბიჭო!—

ამის შემდეგ სიხარული გამომჟღავნდა და დიდი და პატარა შავგვრემან კაცს აქებდა:

— არა, სულ რომ თავისთვის იჯდა და ექვიც არავის აუღია?—

— საქმეც ეს არის, ჩემო ძმაო და ბიძია! ექვიც არავის აუღია!—

გოგიმ მოხუცს ჰკითხა:

— ბიძია, ნეტავ ის კაცი ხომ არ დაშავდებოდა გადახტომის დროს?—ამას რომ ეკითხებოდა, ხმამ უმტყუნა გოგის და აუთოთოლდა, მაგრამ მოხუცს ეს არ შეუნიშნავს.

— არა ჩემო, ბიძია!—მიუგო მოხუცმა კაცმა გოგის, —ხედავდი, როგორ ისკუპა? დიდი სიმარჯვე გამოიჩინა, დიდი...

გოგი დამშვიდდა.

მატარებელი სელას ანელებდა და ორთქლმავალმაც იკივლა. ფანჯრებში გამოკრთა ლურჯი სანათურები და რკინისგზის მოხელეთა ერთმანეთის ძახილიც მოისმა. უთუოდ ისინი ნიშანს აძლევდნენ ერთიმეორეს, დარბოდნენ, მაგრამ ღამეში არ ჩანდნენ და მხოლოდ მათი ღანდები დაბარბაცობდა.

მგზავრები წამოდგენ და ხურჯინები მხრებზე მოიგდეს.

მატარებელი დადგა.





# ნ ა კ ო ვ ნ ი.

— აბა, შენ იცი, ჩემო ბიჭუნია, როგორ ჭკვიანად მოიქცევი და მამიდაშენს არ გააჯავრებ! ახლა უკვე პიონერი ხარ და ჭკუაც უფრო მეტი მოგეთხოვება.

ამ სიტყვებით დედამ ჩაპკოცნა 13-14 წლის ვაჟი კარლო, რომელიც საჩქაროდ შეახტა მატარებელს. მატარებელი ახმაურდა, აკივლდა და ზღაზვნით გაემართა დასავლეთისაკენ. კარლომ თავი გამოჰყო ფანჯარაში და დედას მისჩერებოდა.

მშვენიერი საღამო იყო და გრილი ნიავი კარლოს ხუჭუჭა თმებს ეალერსებოდა. ის დიდხანს იდგა ფანჯარასთან და გაფაციცებით ადევნებდა თვალს, როგორ მიჰქროდნენ მინდვრები, ხეები, სახლები და მთელი მიდამო.

ღალამდა. კარლო მოშორდა ფანჯარას, მონახა თავისი საწოლი და წამოწვა. თავქვეშ პატარა ჩემოდანი ამოიღო და დასაძინებლად მოემზადა.

შუალამეა. ვაგონში ყველას სძინავს. აი, თითქოს ღამის სიჩუმიდან ამოძვრო, გამოჩნდა ძონძებში გახვეული პატარა ბიჭი, რომელიც თვალებს ეშმაკურად იქით-აქეთ აცეცებს. აი, დაინახა ვინც უნდოდა და მისკენ კატასავით დიდი სიფრთხილით გაემართა. მივიდა, ნახა, რომ სძინავს კარლოს და შეუდგა საქმეს: ფრთხილად აუწია თავი და პატარა

ჩემოდანი გამოაცოცა, შემდეგ, როცა შარვლის ჯიბეებზე გადავიდა, კარლოს ხელები მას კისერში ჩააფრინდა და საქმიან მუშაობაში ხელი შეუშალა. კარლომ მგზავრობის დროს ფხიზელი ძილი იცოდა და უკვე დიდი ხანია შენიშნა, რომ ცოცხალი თავი მის ჯიბეებში ფათურობდა, მაგრამ მოხერხებულ დროს უცდიდა.

— მომეცი ჩემოდანი და ქალაღებში!

ბიჭი გაუძალიანდა და მოინდომა ხელიდან გასხლტომა.

— სსუ, ჩუმაღ იყავ, თორემ დავიყვირებ და დაგიჭერენ.

— მერე, შენც ხომ ეს გინდა?— უპასუხა ბიჭმა.

— რატომ გგონია, რომ ეს მინდა? ტფილისიდან შენ დასაქვრად კი არ წამოგსულღვარ. მოიტა, რაც წაიღე.

ბავშმა გადასცა ნაქურდალი ნივთები, მაგრამ ადგილიდან კი არ დაიძრა. კარლოს შეებრაღა ის და ახლა უკვე აღერსიანად დაუწყო ლაპარაკი:

— რა გქვინა?

— მე სახელი არა მაქვს.


— მაშ როგორ გეძახიან ძმა-ბიჭები, ან ნაცნობ-მეგობრები?

— ნაცნობ-მეგობრები არა მყავს.



კოლექტივში არსებული სანიტარული წრის დახმარება საჭიროების დტოს.





— ლამეებს სად ათენებ?  
 — სადაც შემხვდებო. ან ქალაქის მიყრუებულ ქუჩებში, ან რომელიმე სადგურზე, მატარებლის ქვეშ. კარლოს გააჟრჟოლა და ამ ბავშვისადმი უსაზღვრო სიბრალოლის გრძნობით აივსო.

— მაშ კარგი.

მე გადავწყვიტე წაგიყვანო შენოდენა ტოლ-ამხანაგებთან. შეგიყვარებთ ყველანი ისე, როგორც ძმას, თანატოლს. გასწავლით წერას-კითხვას და მუშაობას.

პატარა ბიჭი დაფიქრდა. თვალები წყლით აივსო, მაგრამ სახეზე ჯიუტობა ესახებოდა.

— მე იქ აბუჩად ამიგდებენ ბავშვები.

— არა, მაგის ნუ გეშინია, ტანისამოსიც სწორედ ამ ჩემოდანში მაქვს და ჩემსავით გამოგაწყობ. გინდა? ნუ გრცხვენია, მიპასუხე, სახელად ნაპოვნს დაგარქმევ.

ამ სიტყვებზე ორივეს გაეცინა, და გაქრა ბიჭის უკანასკნელი ყოყმანი.

ბავშვები ერთმანეთს გადაეხვიენ.

—:—

ამის შემდეგ ორი თვე გავიდა. ნაპოვნი არა-ჩვეულებრივი ნიჭიერი, გულკეთილი და ენერგიული ბავში შეიქნა. კარლომ თავისი დაპირება ასრულა: ნაპოვნის ვინაობა არავინ არ იცოდა და დიდის სიყვარულით ეპყრობოდნენ. მან უკვე ცოტაოდნად შეისწავლა წერა-კითხვა და გაერთო საკლუბო მუშაობაშიც. კარლო ყოველმხრივ ცდილობდა მის წახალისებას.

სოფლის ბავშვებმა სთხოვეს კარლოს, რომ წასვლამდე როგორმე ერთი წარმოდგენა გაემართათ. კარლომ ეს თხოვნა სიამოვნებით მიიღო და თან მშვენიერმა აზრმა გაურბინა თავში: თვითონ დაეწერა პიესად ნაპოვნის თავგადასავალი და უმთავრესი როლიც ამ ორს ეთამაშა. ნაპოვნს ეს აზრი ძლიერ მოეწონა. დაიწყეს მზადება.

—:—

კვირა საღამოა. ხალხს თავი მოუყრია სკოლის შენობაში, მხიარულად ლაზღანდარობენ, უმეტესად

ახალგაზრდობა ჩანს. ზოგი ჯგუფ-ჯგუფად ძღვრის, ზოგნი ცეკვავენ დაირის და „ჩაგუნას“ ხმაზე, ზოგნიც საქმის კაცებივით დარბიან აქეთ-იქით და ეხმარებიან კარლოს სცენის მოწყობაში. ფარდა ადგილობრივმა აღმასკომმა იშოვა, ტახტი, სკამები და სხვა მოწყობილობა ბავშვებმა მოარბენინეს და გრიმად კი ნახშირი და მური მოიშველიეს. ტანისამოსი კარლომ მოიტანა, თავისთვის ჩვეულებრივი და ნაპოვნისთვის კი ის ძონძები, რომელიც მას პირველი შეხვედრის დროს ეცვა.

ფარდა აიხდა. წარმოდგენა ჩინებულად მიდიოდა და როცა იმ ადგილს მივიდნენ, სადაც პატარა ქურდი ბიჭი ჰპარავს ნივთებს მძინარე მგზავრს, ნაპოვნი დაიბნა, ენა დაება და გაშტერებული თვალბით აქეთ-იქეთ იცქირებოდა.

— რა მოგდის? — შეეკითხა ჩუმად მწოლარე მგზავრი — კარლო.

— არ შემიძლია ვითამაშო. — ხმამაღლა წარმოსთქვა მან.

— განაგრძე, თორემ გცემ!

— არა, არა, ვერ ვითამაშებ.

ხალხში საშინელი ჩოჩქოლი ატყდა, არ იცოდნენ, ნაპოვნს რა მოუვიდა.

— მისმინეთ! — დაიძახა ნაპოვნმა. — მე იმიტომ ვერ ვითამაშებ, რომ ეს წარმოდგენა მოგონილი კი არაა, არამედ ნამდვილია, და ეს ბიჭიც ამ ტანისამოსში სწორედ მე ვარ, პატარა მგზავრიც კარლო არის, მან მე ადამიანად გადამაქცია!

ამ სიტყვებით ის გაექანა გაშტერებული კარლოსკენ და ქვითინით ჩაეხვია. ხალხმა ტაშისკვრა ასტეხა; ყველაზე ძლიერად იმოქმედა ამ ამბავმა.

პიონერები შემოეხვიენ კარლოსს და ნაპოვნს და ულოცავდნენ გამარჯვებას.

კარლო გადაეხვია ნაპოვნს და უთხრა: „მართლა ჩინებულად ჩატარდა ჩვენი წარმოდგენა!“ ამ სიტყვებით ყველანი აღელვებულნი და გახარებულნი დაბრუნდნენ შინ.

კ. კალანდაძე.

**ბ ა ვ შ ე ბ ო !**  
**გ ა მ ო ი წ ა რ ა თ დ ა წ ა ი კ ი თ ხ ა თ**  
**თ ა მ ვ ა ნ ი უ უ რ ნ ა ლ ი**  
**„პ ი ო ნ ე რ ი“**



# პიონერთა ბანაკის მოწყობა.

ბანაკის უმთავრესი მიზანია პიონერების ფიზიკური გაჯანსაღება, ბავშვების გაყვანა ქალაქიდან, იმ მიზნით, რომ მათ გამოასწორონ ზამთრის განმავლობაში შელახული ჯანმრთელობა. მაგრამ ვარდა პიონერთა ფიზიკური გაჯანსაღებისა, ბანაკს სხვა მიზნებიც აქვს დასახული. აქ უნდა სწარმოებდეს საზოგადოებრივ-აღმზრდელი მუშაობაც.

- ამნაირად, ბანაკის მიზანია:
- 1- პიონერთა ფიზიკური გაჯანსაღება,
- 2. კავშირი საზოგადოებრივ წრეებთან (სოფელი);
- 3. კოლექტიური შრომის შეჩვევა.

4. განმანათლებელი მუშაობა. რა ადგილი უკავია ბანაკს პიონერთა გაჯანსაღების საქმეში? იგი უნდა ემსახურებოდეს ისეთ პიონერებს, რომლებსაც თავისი ფიზიკური ჯანმრთელობის მიხედვით არ შეუძლიათ დარჩენ ქალაქად და იმავე დროს არც ისე დასუსტებული არიან, რომ სჭირდებოდეს სანატორიუმში გამგზავრება.

მაშასადამე, ბანაკი უნდა გვესმოდეს, როგორც დამხმარე გამაჯანსაღებელ-აღმზრდელი და წესებულება დასუსტებულ პიონერთათვის.

პიონერთა ბანაკის მოწყობა ყველაზე უმჯობესია რომელიმე სოფლის ან აგარაკის მახლობლად, რადგან ეს მისცემს პიონერებს საზოგადოებრივ — პოლიტიკური მუშაობის საშუალებას. სოფლად პიონერებს საშუალება აქვთ გაეცნონ და დაუახლოვდნენ მის მცხოვრებთ და კერძოდ გლეხურ ბავშვებს.

ბანაკის მოწყობისათვის არ არის საჭირო კარგების გამართვა. უმჯობესია დახურულ ბინებში ცხოვრება. განსაკუთრებით ასაკძალავია კარგებში ცხოვრება იქ, სადაც ხშირი წვიმებია და სინესტე საფრთხეს უმზადებს ბავშვთა ჯანმრთელობას. კარგია კარავი პიონერთა საერთო სასადილოს, ამბულატორიის და სამზარეულოს მოსაწყობად.

ბანაკის ადგილის არჩევისას საჭიროა ყურადღება მიექცეს მდინარის სიახლოვეს, სადაც პიონერებს შეეძლება ბანაობა; კარგია, თუ ბანაკის მახ-

ლობლად ტყეც იქნება. არა ნაკლები მნიშვნელობა აქვს საექიმო პუნქტის სიახლოვეს. ბანაკის მახლობლად არ უნდა იყოს ჰაერის მომწამლავი რაიმე წყარო (საპირფარეშო, სანაგვე ორმო, ჭაობი, ბოსელი და სხ.).

ბანაკის მოწყობის დროს საჭიროა რგოლებს შორის მოვალეობათა განაწილება. მაგალითად: ერთ რგოლს უნდა დაევალოს ბანაკის ადგილის დათვალიერება, სეორეს — საჭირო ინვენტარის დამზადება, მესამეს — ბანაკის მახლობლად მდებარე მიდამოების შესწავლა, მეოთხეს — ადგილობრივ ორგანიზაციებთან კავშირის გაბმა და სხ.

ბანაკად საცხოვრებელი ბინები სასურველია ერთიმეორესგან დაშორებული არ იქნეს.

**დასაწოლი ოთახი** საკმაოდ ფართო უნდა იყოს. იგი ხშირად უნდა იქმნებოდეს. თითოეულ პიონერს უნდა ჰქონდეს საწოლი. ბანაკში ყველაზე უფრო მოხერხებულია დასაკეცი საწოლი. დღისით ფანჯრები უნდა იღებოდეს, ხოლო გამკრავი ქარი არ უნდა იყოს. ოთახში უნდა იდგეს საფურთხი.

**სასადილო.** სასადილოს მოწყობა შესაძლებელია დახურულ ოთახში, მაგრამ უმჯობესია მისთვის ფართო კარავის მოწყობა. კარავში უნდა იდგეს გრძელი მაგიდა და სკამები. მაგიდის გაწყობა და სადილის მიწოდება მორიგეობით სწარმოებს.

**სამზარეულო.** შესაძლებელია ბინას, რომელშიაც პიონერები იცხოვრებენ, სამზარეულო არ ჰქონდეს. ასეთ შემთხვევაში საჭიროა მოეწყოს დროებითი მარტივი სამზარეულო, სადაც შესაძლებელი იქნება საჭმლის მომზადება.

**საპირფარეშო.** საპირფარეშო და სანაგვე ორმო ბანაკის ცოტა მოშორებით უნდა მოეწყოს. ისინი არ უნდა იყოს მოთავსებული ისეთ ადგილზე, რომ მათ გააბინძურონ ახლო მდებარე მდინარე, რომელშიც პიონერები ბანაობენ, საპირფარეშო გოგონებისათვის და ბიჭებისათვის ცალ-ცალკე უნდა მოეწყოს.



**ალექსანდრე დიმიტრის-ძე ციურუბა**  
ა/წ. 8 მაისს ყირიმში მძიმე ავადმყ. ფობის შემდეგ გარდაიცვალა ძველი ბოლშევიკი, საკავშირო სახალხო კომისართა საბჭოს და შრომის და თავდაცვის საბჭოს თავმჯდომარის მოადგილე ამხ. ა. ციურუბა. ციურუბა ძველი მებრძოლი ლენინელი იყო, რომელმაც მთელი თავისი ხალგაზრდობა და სიცოცხლე მუშათა განმათავისუფლებელ მოძრაობას და სოციალისტურ აღმშენებლობას შესწირა.

მ. გორგაძე





ამ პატარა წერილში ჩვენ მოგვყავს ამონაწერი ვენელი პიონერის წერილიდან, რომელიც ახსიათებს ბავშვთა მდგომარეობას კაპიტალისტურ სკოლებში.

„...გალობის გაკვეთილზე მასწავლებელმა გვითხრა:

— ჩვენ უკვე დავამთავრეთ ჰინდენბურგის დღესასწაული, მისი 80 წლის შესრულების გამო. ახლა ჩვენ უნდა გადავიდეთ საშობაო თემებზე. მე მაქვს მოციქულ წმინდა ლუკას ტექსტი, რომლის მელოდია მე დავამუშავებ.

მე ავდექი და ვუბასუხე: მე განთავისუფლებული ვარ რელიგიური ტრადიციებისაგან, რელიგიის გავლენისაგან და გთხოვთ გამათავისუფლოთ აგრეთვე ფსალმუნის გალობისაგან მეთქი.

მასწავლებელს ეს არ მოეწონა.

ორი დღის შემდეგ, როდესაც ბავშვები გალობდნენ რეაქციონურ სიმღერას „ჰერცოგ-ოოლს“, მე კვლავ უარი განვაცხადე სიმღერაში მონაწილეობის მიღებაზე.

მასწავლებელმა მითხრა:

„შეგიძლია იმღერო შენი კომუნისტური სიმღერები, თუკი ჩვენი არ მოგწონსო“.

სიმღერის შეწყვეტის შემდეგ პირველად მე გამიძახა მაგიდასთან. მასწავლებელმა აიღო სკრიპკა და მომცა ტონი. მე დავიწყე სიმღერა; სიმღერას მთელი კლასი აჰყვა.

ორი დღის შემდეგ 7 ნოემბერი იყო. მე ვიდღესასწაულე ოქტომბრის რევოლუციის ათი წლის თავი და სკოლაში მივედი წითელი ყელსახვევით. ბავშვებმა ჯერ სიცილი დაიწყეს, შემდეგ კი გაიძახოდნენ: „როტ-ფრონტ“, „ზაიდ-ბერაიტ!“ („წითელი ფრონტელი“, „იყავ მზად“).

ყველა დაჟინებით მეუბნებოდა, რომ არ მომეხსნა წითელი ყელსახვევი, თუგინდ მასწავლებელს მოეთხოვა.

ეზოში ბავშვები განუწყვეტლივ გაჰკიოდნენ: „როტ-ფრონტ, — „ზაიდ-ბერაიტ!“ მასწავლებელმა ამას ყურადღება მიაქცია და მიბრძანა მომეხსნა ყელსახვევი. მე ცივი უარით გავისტუმრე ის.

პირველ გაკვეთილზედვე, ტანვარჯიშის მასწავლებელმა, სოციალ-დემოკრატიმა, მითხრა:

— მოიხსენი ეს „ჩვარი“ ყელიდან.

მე ვუბასუხე, რომ ეს „ჩვარი“ კი არ არის, არამედ პიონერთა ნიშანია. მე მას არ მოვიხსნი, რადგან ვდღესასწაულობ საბჭოთა რუსეთის ათი წლის თავს, რომელსაც ვთვლი ჩემს სამშობლოდ.

მასწავლებელმა მითხრა წავსულიყავ რექტორთან და განმეცხადებია, რომ მე არ მსურს ყელსახვევის მოხსნა.

მე მოვატუე ის, ვუბასუხე, ვიყავ რექტორთან და მან არაფერი არ მითხრა მეთქი.

ტანვარიშობის გაკვეთილი გათავდა.

ბავშვები დაჟინებით მთხოვდნენ, რომ შემდეგაც ასე შემოქმედა. გათავდა მეორე გაკვეთილი.

შემდეგ გალობის გაკვეთილი იყო.

მე დავჯექი უკანა პარტაზე, რადგან საგალობელს არ ვმღეროდი. მასწავლებელმა გამიწვია თავისკენ:

„— ეს რა „ჩვარია“, კისერზე რომ ვახვევია?“

მე კვლავ აფუხსენი, ეს „ჩვარი“ კი არ არის, არამედ პიონერის ნიშანია მეთქი.

მასწავლებელმა მიბრძანა მიმეცა ყელსახვევი. მე უარი ვუთხარი. მაშინ მან სილა გამარტყა. მე დავიყვირე:

„— შენ ნებას არ მოგცემ, რომ მცემო“ — და გავიქეცი.

მასწავლებელმა დამიყვირა შეფერებულიყავი და წამიყვანა რექტორთან.

მაგრამ, როგორც კი კლასს გადმოვკდით, ბავშვებმა ასტეხეს ხმაურობა და მერხებზე ცემა, ასე რომ მასწავლებელი იძულებული იყო დაბრუნებულიყო. ბავშვებმა ხმაურობა ასტეხეს იმიტომ, რომ მასწავლებელს არ წავეყვანე რექტორთან.

პიონერის ეს წერილი მეტად საგულისხმოა. ამ წერილში ჩვენ ვეცნობით ქ. ვენის სკოლების ყოფა-ცხოვრებას.

წერილიდან ნათლად ჩანს, თუ რა დიდი გავლენა ჰქონია კომუნისტურ პარტიას და საბჭოთა ხელისუფლებას.

ბავშვებიც კი იცნობენ საბჭოთა შრომის სკოლის წესებს, ჩვენ პიონერებს და საესებით თანაუგრძნობენ მას.

მესამე თაობამ — პიონერებმა — საკმაო გამოძახილი ჰპოვა ბურჟუაზიულ ქვეყნებში და შორს არ არის ის დრო, რომ იმათ, საბჭოთა რესპუბლიკების პიონერებისებურად, სკოლაში არ დაუშლიან იმ წითელი ყელსახვევით მისვლას, რომელსაც დღეს კაპიტალისტური შრომის სკოლის მასწავლებლობა „ჩვარს“ უწოდებს.

ვენის სკოლის ბავშვები ყოველთვის დაიცავენ პიონერთა ინტერესებს და ჩვენი ქვეყნის პიონერებთან ერთად გასწევენ წინ.



# როგორ ჩატარდა ბავშთა საერთაშორისო კვირაული

20 მაისს, კვირას, დიდის შვიდი საათიდან ტფილისის ქუჩებს დიდი მოძრაობა ეტობოდა. ჰატარებდნენ გოგონები და ვაჟები მხიარული, ცოცხალი სახეებით მიეშურებიან შესავრებ წერტილისაკენ—ზიონერ-კოლექტივებში, სკოლებში. ეველა აჩქარებულია, ეველა ცდილობს დაუკვირანებლად გამოცხადდეს დანიშნულ ადგილზე.

შეკრების შემდეგ ლენინის ზიონერები და სკოლები მიემართებიან სუბდოვის ტუისაკენ, მეორე რაიონი მიდის დიდუბის იქეთ, ღმბა-ღელის ახლო მინდორში, მესამე რაიონი კი იკრიბება ნავთლულში—ქვეითი სკოლის ბანაკში.

ზიონერები დაუფილი არიან კოლექტივებზე რამდენიმე ზიონერ-მუშაკები და მასწავლებლები ატარებენ საუბრებს ბავშთა კვირეულის შესახებ; იმართება აგრეთვე მასიური თამაშობანი და სხ.

ქალაქის რაიონის ზიონერებს გასასვლელად გილად ვაკე აუზივით. ეს რაიონი განსაკუთრებით კარგად მომზადებულია, წინასწარ გაუთვალისწინებია ეველა წერილმანი, რაც დაკავშირებულია ბავშთა ქალაქ გარეთ მასიურ გასეირნებასთან: ბავშვები უსრუნველყოფილი იყვნენ სასმელი წყლით, სპეციალურად მოწყობილი კოლხერტიული კარავი მათ სურსათ-სანაჯაგეს აწოდებდა.

რაიონი სამ ჯგუფად იყო განაწილებული. აქაც მოეწყო ვარჯიში ორკესტრის ტაქტის ქვეშ, მასიური თამაში: „თეთრები და წითლები“, რამაც წითლებმა სასტიკად დაამარცხეს თეთრები და სხვ.

სადამოს, ბავშვთა მოსახლეობისაგან დაცილი ტფილისი ისევ გამხიარულდა უდარდელი კისკისითა და ზიონერთა ორკესტრის წერილთა ხმებით.

ბავშთა საერთაშორისო მეორე კვირეულის უკანასკნელი დღე—27 მაისი ტფილისის ზიონერებმა და მოწაფეებმა აღნიშნეს დემონსტრაციით, რომელიც თავისი მრავალრიცხოვანობით აღემატება ზიონერთა ეველ წინანდელ დემონსტრაციას.



პიონერების მიერ დროშის აშვება.

დიდიდანვე ქალაქის ქუჩებში გაისმა დღებისა და რამოდენიმე ათეული საევირის ხმა, ერთი-მეორეს მოჭკვა ზიონერთა კოლექტივები, მოწაფეები აღისფერი დროშებით, ფერადოვანი ჰლაკატებით და ლოზუნგებით.

დემონსტრაციის დაწყებამდე გამოცოცხლდა თავმოსაურელი ზუნქტები. ახლად მოსული ბავშვები ჯგუფ-ჯგუფად იკრიბებოდნენ, მხიარულად ცეკვავდნენ და ძღეროდნენ. რო-



დესაც საუვირის ხმა გაისმა, ბავშვები სწრაფად დაეწევენ რიგებად და მწუობრ რისმებად ტრიბუნისაკენ გაემართენ.

კომკავშირის ცეკასთან გამართული ზატარა ტრიბუნა გავსებულია ჰარტიის, მთავრობის, კომკავშირის და ჰროფკავშირების წარ-



პიონერები დემონსტრაციაზე.

მომადგენლებით, რომლებიც მოსულან აქ, რომ მიესალმონ ნორს ლენინელებს მათი დემონსტრაციის დღეს. შუადღის 12 საათზე ახმაურდა ორგესტრები და ათასობით პიონერებმა მწუობრი ნაბიჯით დაიწყეს მსვლელობა.

- გაუმარჯოს საკავშირო კომპარტიას!
- ფართო ვსა შესაძე თაობას!

— მზად იყავით საბჭოთა კავშირის დასაცავად! ხმაძაღლა გაისმოდა ლოზუნგები და ამ ლოზუნგებს ბანს აძლევედენ ჰიონერთა კოლექტივები.

აღისფერ დროშებსა და ჰლაკატებსე მოხანდა ჰიონერთა მოწოდებანი: „ბრძოლას კულტურისათვის, ახალი უოფა-ცნოვრებისათვის, მსოფლიო რევოლუციისათვის“. ბევრი ჰიონერი დემონსტრაციაზე გამოვიდა თოფებით, გასის საწინააღმდეგო აზარტებით, რომ მოესდინათ თავისი სამხედრო მომსადების დემონსტრაცია.

დროშებით გაიარეს ჩინელებად და ზანგებად შენიღაბებულმა ჰიონერებმა, ჩატარეს ბურჟუა და ჩემპერლენი, რომლებსაც თოკის გაწევა-გამოწევით ამომჩავებდენ; უველა მხიარულებდა და უველგან გაისმოდა სიმღერები.

დემონსტრაციაზე გამოვიდა 15 ათასი ჰიონერი; მათ დაგვანახეს თავისი შემჭიდროება, ზრდა და სურვილი, რომ ემსახურონ ჰროფკავშირულ სამშობლოს და საბჭოთა ხელისუფლებას. ამ დემონსტრაციამ კიდევ ერთხელ დაამტკიცა, რომ წინა თაობის შემცველკლი ახალი თაობა იხრდება და მადის სწორი ლენინური გზით.

**პიონერებო! მოგვწერით, როგორ  
ჩაატარეთ ბავშვთა პარკე საერთაშორისო  
კვირაული.**





### დუშეთის საბავშვო სახლავის ცხოვრებიდან.

დუშეთის საბ. ახალშენი მოთავსებულია ქალაქის აღმოსავლეთ ნაწილში, ყოფილ ყაზარმებში. ახალშენში ამჟამად ირიცხება სულ 282 აღსაზრდელი, ეროვნების მიხედვით: ქართველი 253, რუსი --5, სომეხი--9, ოსი-4, თურქი--3 და სხვადასხვა ეროვნებისა--8. სოც. მდგომარეობის მიხედვით: მუშის შვილები--41, გლეხის--124, ხელოსნის შვილი--18, მოსამსახურის--43 და სხვადასხვა პროფესიის მქონეთა--16. კომკავშირის წევრების რაოდენობა უდრის--42, პიონერების--187 და ოქტომბრელების--53.

ახალშენთან არსებობს საბ. ბაღი, ორი ოთხწლელი, პროფტექნიკური სკოლა და სოფლის ახალგაზრდობის სკოლა. ზემოხსენებულ სკოლებში, გარდა ახალშენის ბავშებისა, სწავლობენ ადგილობრივი გლეხების და მუშა-მოსამსახურეების შვილები, 120 ბავში. სულ სკოლაში მუშაობს 402 ბავში.

ახალშენთან არსებობს სხვადასხვა სახელოსნოები, სადაც საკმაო საათები ეთმობა პრაქტიკულ მუშაობას, როგორცაა: კერვა-ხელსაქმიანობა, სახარატო--სადურგლო საქმე და მეწაღეობა. პიონერ-ორგანიზაციას კავშირი აქვს სამაზრო პარტკომთან, სამკომთან, პროფკავშირთან, კოლპერატივთან, გლეხკომთან და ქალაქის კლუბებთან. რაც შეეხება წითელ არმიასა და მილიციას, ჯერ კიდევ არ არის მათთან დაკავშირების საკითხი მოგვარებული. უნდა აღინიშნოს, რომ მუშაობა გასამხედროების ხაზით არ წარმოებს, რაც აუცილებლად უნდა იქნას დაწყებული.

ახალშენის პიონერ-ორგანიზაცია აწყობს ექსკურსიებს განაპირა სოფლებში, წინასწარ გათვალისწინებული გეგმით. ტარდება საუბრები სასოფლო-სამეურნეო საკითხებზე, ჰიგიენა-სანიტარიის შესახებ, სწავლა-განათლების შესახებ, კომუნის მნიშვნელობაზე და სხვა.

ახალშენის მუშაობაში დიდი ადგილი ეთმობა საუბრებს და მოთხრობებს. საუბრებს აქვს როგორც პოლიტიკური, აგრეთვე პედაგოგიური ხასიათი. საუბრების თემებია: ოქტომბრის ბელადების ავტობიოგრაფიები, ნორჩ პიონერთა ცხოვრება, როგორც საბჭოთა რესპუბლიკების, აგრეთვე საზღვარგარეთის პიონერთა მოძრაობა და სხვა... აგრეთვე ბავშვები წაკითხული წიგნებიდან ადგენენ საუბრებს და ატარებენ ცალ-ცალკე რგოლებში, სწერენ გლეხის ცხოვრებიდან პატარა პიესებს და სდგამენ სცენაზე.

სახლებს გამოწერილი აქვთ სხვადასხვა გაზეთები და ჟურნალები; 5 ცალი „პიონერი“, ორკვირეული ჟურნალი, 3 ცალი საბავშვო ჟურნალი „ოქტომბრელი“, 25 ცალი „ახალგაზრდა კომუნისტი“, 2 ცალი „კომუნისტი“, „მუშა“, „ახალგ. გვარდია“.

პიონერთა ორგანიზაცია ყურადღებით ეპყრობა საზოგადოებრივ მუშაობას.

კოლექტივებმა ჩაატარეს საზოგადოებრივ-სასარგებლო მუშაობა: დახმარება აღმოუჩინეს უღარიბესი გლეხების ოჯახებს სამეურნეო საქმიანობაში.

ახალშენში არსებობს აგრეთვე თვითგანვითარების წრეები.

დუშელი.



# ჩვენი მეზობელი ქვეყნები

## ო ს მ ა ლ ე თ ი

ოსმალეთი გეოგრაფიული მდებარეობის მიხედვით ორ ნაწილად იყოფა. ერთი ევროპის ნაწილია, რომელიც მდებარეობს ბალკანეთის ნახევარკუნძულზე, მეორე კი, უდიდესი ნაწილი, მცირე აზიაში მდებარეობს (იხ. რუკა). ოსმალეთის თანამედროვე ტერიტორია 800 ათასს კვად. კილომეტრს უდრის, მოსახლეობის რაოდენობა კი 14 მილიონამდე აღწევს. მოსახლეობის უმეტესი ნაწილი სასოფლო მეურნეობას მისდევს, რომელიც ოსმალეთში ძალზე ჩამორჩენილია. ტერიტორიის მხოლოდ 10% გამოყენებული სოფლის მეურნეობისათვის. ოსმალეთში სთესავენ პურს, ქერს, შვრიას, სიმინდსა და ბრინჯს. ამათ გარდა სხვა კულტურაცაა გავრცელებული. ტექნიკურ მცენარეთაგან აქ უფრო ბამბაა გავრცელებული.

სასოფლო მეურნეობაში დიდი ყურადღება ექცევა მებაღეობას. გავრცელებულია აგრეთვე ვენახი, ფორთოხალი, ლიმონი, ზეთისხილი და სხვა. მებაღეობის უმეტესობას საკმაოდ ადგილი აქვს დათმობილი.



ოსმალეთის მთიან ადგილებში მისდევენ მეჯოგეობას, გავრცელებულია უმთავრესად ცხვრისა და ანგორის თხის მოშენება.

სამთამადნო მრეწველობა სუსტადაა განვითარებული, მიუხედავად იმისა, რომ აქ ბლომდაა ქვანახშირის, ნავთის, სპილენძის, ოქროს და ვერცხლის მადნები.

ამჟამად საფაბრიკო-საქარხნო მრეწველობა განვითარების გზას დაადგა. არის რამდენიმე ფაბრიკა ბამბისა და მატყლის დასამუშავებლად.

აქ შინამრეწველობასაც მისდევენ, განსაკუთრებით კი ხალიჩების ქსოვას.

რკინის გზები ცოტაა; რკინის გზების ქსელის სიგრძე 1925 წელს მხოლოდ 3,330 კილომეტრს უდრიდა. რკინის გზების უმეტესობა აშენებულია უცხოელ კაპიტალისტთა კომპანიებისაგან.

საზღვაო-სავაჭრო ფლოტიც მცირეა. სახელმწიფო მართვა-გამგეობის მხრივ 1923 წლიდან ოსმალეთი რესპუბლიკად ითვლება.

ოსმალეთში მუშათა კლასი მცირერიცხოვანია; ეს იმით აიხსნება, რომ, როგორც უკვე აღვნიშნეთ, მრეწველობა სუსტადაა აქ განვითარებული. პირველ ხანებში ოსმალეთის მუშათა კლასი, მიუხედავად მცირერიცხოვნობისა, მაინც აქტიურ მონაწილეობას იღებდა მსოფლიო იმპერიალიზმთან ბრძოლაში; ამ დროს ოსმალეთში ადგილობრივი კომუნისტური პარტია მუშათა მოძრაობის ერთ-ერთი ხელმძღვანელთაგანი იყო. ოსმალეთის კომუნისტური პარტია 1920 წელს ჩამოყალიბდა. ამის ინიციატორები იყვნენ ყოფილი ოსმალთა სამხედრო ტყვეები. ოსმალეთის კომუნისტური პარტიის მოთავე იმ თავდაპირველად იყო **მუსტაფა სუბხი**, რომელიც ტრაპიზუნდის ჟანდარმებმა ზღვაში გადაადგდეს და დააღრჩეს.

ამის შემდეგ ოსმალეთის მთავრობა კომუნისტური პარტიის წინააღმდეგ შეტევებზე გადავიდა და მას სასტიკად დევნიდა. ოსმალეთის მთავრობამ დაკეტა კომუნისტური ჟურნალ-გაზეთები. კომუნისტურ პარტიას ამჟამად არალეგალურად უხდება მუშაობა. მუშათა კლასის მოძრაობა ოსმალეთში თანდათან ცხოველდება.

საბჭოთა კავშირის და ოსმალეთის მეგობრობა მტკიცე ნიადაგზეა დამყარებული. თავდაუსხმელობისა და ნეიტრალიტეტის შესახებ 1925 წლის 17 სექტემბერს ქ. პარიზში დაიდვა ხელშეკრულება ოსმალეთსა და საბჭოთა კავშირს შორის. დაიდვა აგრეთვე ხელშეკრულება 1922 წელს ოსმალეთსა და საქართველოს სოც. საბჭოთა რესპუბლიკას შორის, რომელმაც საბოლოოდ გადასწყვიტა საძოვრების საკითხი: ორივე სახელმწიფოს შეუძლია ურთიერთ კუთვნილ საძოვრებით სარგებლობა. ოსმალეთსა და საბჭოთა კავშირს შორის კიდევ 1927 წელსაც დაიდო ხელშეკრულება ვაჭრობის შესახებ.

ალ. გორგაძე.



## ჩვენს სიბღიბრს

საკვებ ნივთიერებათა და ხელის წარმოება.

საბჭოთა კავშირში ყოველწლიურად მოდის 40—60 მილიონი ტონა ხორბლეული. მხოლოდ ნაწილია აქიდან საჭირო სახელმწიფოს შიგნით მოსახმარებლად, ნაწილი კი საზღვარგარეთ გადის, რაც საგრძნობ შე-მოსავალს იძლევა. ძალიან დიდი მნიშვნელობა აქვს საბჭოთა კავშირის მცხოვრებთათვის აგრეთვე კარ-თოფილს.

საბჭოთა კავშირში ხან ძალიან კარგი მოსავალი იცის, ხან კი ცუდი, იმის მიხედვით, თუ როგორი ამინდი დაუდგება ნათესებს. ს. ს. რ. კ. ევროპულ და აზიურ ნაწილში ხიზრია გვალვა, რომელიც საშინელ დღეში აგდებს მოსახლეობას. საბჭოთა ხელისუფლება ებრძვის გვალვას და ძალიან დიდ თანხებს ხარჯავს ამ საქმეზე. იმ წელსაც კი, როდესაც მხოლოდ საშუალო მოსავალია, მოსახლეობას არ სჭირდება მთელი ქირნახული და ნაწილი საზღვარგარეთ გააქვთ.

საგარეო ვაჭრობა ამ ბოლო ხანებში თანდათან იზრდება. მაგალითად, 1923/24 წელს გაიტანეს საბჭოთა კავშირიდან 370 მილ. მანეთის საქონელი, 1925/26 წელს კი—655 მილიონის.

ხორბალს ჩვენში ფქვევენ დიდ საფქვევ წისკვილებში და ქარისა და წყლის პატარა წისკვილებში. მოსახლეობა უმთავრესად ამ პატარა წისკვილებით სარგებლობს, მთელი ხორბლის ნახევარი სწორედ ამ ქარისა და წყლის პატარა წისკვილებში იფქება, ფქვილი ცუდი გამოდის, დიდ შრომას მოითხოვს და ძვირი ჯდება.

დიდი წისკვილები, სადაც მექანიკური ძალაა გამოყენებული, არის ყველა იმ რაიონში, სადაც ბევრი ხორბალი მოდის, მაგალითად, ვოლგაზე, სამხრეთ-აღმოსავლეთით, სამხრეთით და ცენტრალურ რაიონში, სადაც შავი მიწაა.

ძალიან მდიდარია საბჭოთა კავშირი ცხოველების რაოდენობის მხრივაც. 1926 წელს ს. ს. რ. კ. იყო 63 მილიონი მსხვილფეხა საქონელი, 115 მილიონი თხა და ცხვარი, 21 მილიონი ღორი. ხორცი მოსახლეობას სავსებით საკმაო აქვს და ზოგ წელიწადს კი საზღვარგარეთაც გადის.

ჩვენი ქვეყანა მდიდარია ზღვებით და მდინარეებითაც, სადაც აუარებელი თევზია. ყოველ წელიწადს იჭერენ დაახლოებით მილიონ ტონა თევზს, რომლის ღირებულებაც 150 მილიონ მანეთს უდრის.

ევროპულ საბჭოთა რესპუბლიკებში თევზის სარეწავი შემდეგი რაიონებია: ვოლგა — კასპის, აზოვ-შავი ზღვის, ჩრდილო-თეთრი ზღვის; ყველაზე მდი-

დარი რაიონია ვოლგა—კასპის, რომელიც იძლევა მთელი დაჭერილი თევზის 50%.

აზიის საბჭოთა რესპუბლიკების ზღვები და მდინარეებიც სავსეა თევზით. განსაკუთრებით ბევრია თევზი მდინარე-ამურში. ბერინგის, ოხოტის და იაპონიის ზღვების ნაპირებს 18000 კილომეტრი უჭირავს და თევზის სარეწავ უმდიდრეს ადგილს წარმოადგენს. შორეული აღმოსავლეთის სარეწავებში თევზის უდიდეს ნაწილს იაპონელები იჭერენ, ან შეისყიდიან ხოლმე რუსი მოსახლეობისაგან. იქ 34000 მუშაა და ამათში მხოლოდ 5000 რუსი.

მსხვილფეხა საქონელი, გარდა ხორცისა, მოსახლეობას აძლევს რძეს, კარაქს, ყველს.

საბჭოთა კავშირის სხვადასხვა ადგილას მრავალგვარი ჯიშის მსხვილფეხა საქონელია. ჩრდილო დვინის რაიონში, ვოლოგოდის და იაროსლავის გუბერნიებში ჰყავთ შესანიშნავი ძროხები, რომლებიც ძალიან ბევრს იწველიან.

ერბო იმდენი აქვს ს. ს. რ. კ., რომ საზღვარგარეთაც გადის. ამ ბოლო ხანებში გადის ყოველწლიურად 20 მილიონი მანეთის ერბო. ის უმთავრესად დასავლეთ ციმბირიდან გადის, სადაც ერბოს დამზადებამ ძალზე ფართო ხასიათი მიიღო. რ. ს. ფ. ს. რ. ევროპული ნაწილის ჩრდილო რაიონი—ვოლოგოდის, ჩრდილო-დვინსკის და იაროსლავის გუბერნიები საუკეთესო კარაქს იძლევა საბჭოთა კავშირის მოსახლეობისათვის. ყველის ქარხნები არის ჩრდილო გუბერნიებში და კავკასიაში.

შინაური ფრინველი თითქმის ყველა გლეხს ჰყავს. უმთავრესად ქათმებს აშენებენ; გაცილებით უფრო ცოტაა ბატი და იხვი. უჯიშო ქათმები თითქმის უბატრონოდ და მოუვლელად არიან გლეხის მეურნეობაში მიტოვებულნი. მათთვის არც განსაკუთრებული ბინაა, არც საკვები. ამიტომ დედლები პატარები არიან და წელიწადში 70 კვერცხზე მეტს არ სდებენ. ამ ბოლო ხანებში ზოგან მოაშენეს ჯიშოანი ქათმები, რომელნიც სამჯერ სჯობიან უჯიშო ქათმებს როგორც ხორცის ხარისხის, აგრეთვე კვერცხის დების მხრივ. საქართველოში მიწათმოქმედების კომისარიატი ზრუნავს ამ საქმეზე და აჯამეთში ჰყავთ საუკეთესო ჯიშის ქათმები, რომლების წიწილებსა და კვერცხებს აწვდიან მოსახლეობას.

ყოველწლიურად იზრდება კვერცხისა და დაკლული ქათმების საჭიროება ჩვენს კავშირში. კვერცხი საზღვარგარეთაც გააქვთ. ომამდე გადიოდა 25.000 ვაგონი კვერცხი, რაც 100 მილიონი მან. ღირდა.

საბჭოთა კავშირში შაქარი შაქრის ქარხლიდან კეთდება. შაქრის ქარხლის პლანტაციების ცენტრში



არის შაქრის ქარხნები, სადაც კეთდება შაქრის ფხვნილი, ვინაიდან ქარხალი მალე ფუჭდება და მისი შენახვა, ან სხვა ადგილს წაღება არ შეიძლება. შაქრის წარმოების უმთავრესი ადგილია უკრაინის საბჭოთა რესპუბლიკა, აგრეთვე რ. ს. ფ. ს. რ. ზოგიერთი გუბერნია — კურსკის, ვორონეჟის, ორლოვის, ტამბოვის და ტულის.

საქართველოში, როგორც ირკვევა, ძალიან კარგად იხეირებს შაქრის ქარხალი. ხელისუფლებამ უკვე მიიღო ზომები და სანიმუშოდ, საცდელად უკვე დათესა ქარხალი გორის რაიონში. იმედი უნდა ვიქონიოთ, რომ სულ მალე საბჭოთა საქართველოს თავისი შაქრის ქარხანა ექნება.

შაქარი-რაფინადი მზადდება შაქრის ფხვნილიდან რაფინადის ქარხნებში. ეს ქარხნები არ არის დაკავშირებული შაქრის ქარხლის რაიონებთან და ამიტომ ისეთ შორეულ ადგილებშიც კი არის, როგორიცაა ლენინგრადი, მოსკოვი და სხვა პუნქტები. 1926 წელს შაქრის ქარხანა 148 იყო. იქ დამუშავდა 1.036.000 ტონა შაქარი. ჩვენი შაქრის მრეწველობა მექანიზაციის მხრივ ძალზე ჩამორჩება ამერიკისას. მაგალითად, 1000 ბერკოვეცი ქარხლის გადამუშავებას ჩვენში სჭირდება 384 კაცი, ამერიკაში კი 45. საბჭოთა ხელისუფლება ყოველგვარ ღონეს ხმარობს და საშინელი სისწრაფით მიაქანებს ჩვენს კავშირს წინ ინდუსტრიალიზაციის გზით, რაც უდაოდ მოწმობს მას, რომ მეფის დამქაშების მიერ მოთენთილ-მოდუნებული ქვეყანა სულ მალე ბრწყინვალე გამარჯვებას იღწე-სასწაულებს ყველა ფრონტზე.

სელი ერთწლიანი მცენარეა; მას ძალიან გრძელი ბოჭკო აქვს. სიმალლით სელის ღერო 1 მეტრამდე აღწევს. როდესაც ჰყვავის, სელს მტრედისფერი ყვავილები ასხია, რომელნიც შემდეგ პატარ-პატარა კოლოფებად იქცევიან. თითო კოლოფში რამოდენიმე მარცვალია; თუ სელი ბოჭკოსთვის დათესეს, მას მოჰკრეფენ, როგორც კი გასცვინდება ყვავილი და ღეროს ქვემო ნაწილი გაყვითლებას დაიწყებს. როდესაც სურსთ მიიღონ არა მხოლოდ ბოჭკო, არამედ თესლიც, სელს მაშინ ჰკრეფენ, როდესაც მთელი ყანა ყვითელ-მწვანეა, ზოლო თავები, სადაც თესლია, რუხი. სელს შემდეგნაირად ჰკრეფენ: რომ არ გადაამტვრიონ ბოჭკო და რაც შეიძლება გრძელი იყოს ის, სელს ფესვიანად სთხრიან, შემდეგ პატარ-პატარა კონებად ჰკრავენ და სდგამენ მწკრივად — წინასწარ გამოსურობად.

წინასწარ გამოშრობას შემდეგ სელს აცლიან თესლს: ან ნამგლით მოსჭრიან, ან განსაკუთრებული მანქანით (რომელსაც სელის საღებავი მანქანა ეწოდება), ანდა რტყმევით ამის შემდეგ სელს ალბობენ.

დამბალ სელს შემდეგ აშრობენ. როდესაც ის კარგად გამოშრობა, ღეროს კანი ადვილად ტყდება, ბოჭკო კი კვლავ მოქნილია. სელის კანის მტვრევას სელის დაზელვა ეწოდება და განსაკუთრებული საზელი მანქანებიც არსებობს. საზელი მანქანა ხელისაყ არის. დამტვრეულ-დაზელილი კანი მაინც ბოჭკოზეა და რომ მოაცილონ, ამიტომ მას სჩეჩენ.

თუ სელის შინ დამუშავება უნდათ, მას რკინის ჯაგრებით და ხის სავარცხლებით ვარცხნიან, შემდეგ კი ქსოვენ.

ის უძველესი კულტურული მცენარეა. მისი მოყვანა-დამუშავება ფართოდ იყო გავრცელებული ძალიან ბევრ ქვეყანაში 2000 წლის წინათაც.

ამჟამად სელი მოჰყავთ საბჭოთა კავშირის ევროპულ ნაწილში, კავკასიაში და დასავლეთ ციმბირში. იმ რაიონში, სადაც შავი მიწაა, არის სელის განსაკუთრებული ჯიშები, რომლის თესლი ზეთის გამოსახდელად უნდათ. უფრო ჩრდილოეთით კი, აგრეთვე ტობოლსკის გუბერნიაში სთესენ სელის განსაკუთრებულ ჯიშს, რომელიც ძალიან გრძელ ბოჭკოს იძლევა.

ძალიან ბევრი სელი ითესება ბოჭკოსთვის ვიატკის, პსკოვის, ტვერის და სმოლენსკის გუბერნიაში.

1925 წელს სელი იყო დათესილი 1.374000 დესეტინაზე, აქედან კი 563000 დესეტინა სელის იმ ჯიშს ეჭირა, რომელიც ბოჭკოს იძლევა. ამ წელს 16 მილიონი ფუთი სელი მოვიდა. გლეხები წლიურად საოჯახო საჭიროებისათვის ხმარობენ 4 მილიონ ფუთს, ფაბრიკებს სჭირდება 7,5 მილიონი ფუთი. 1925 წელს საზღვარგარეთ გაიზიდა 52 მილიონის სელი.

სელისაგან ფაბრიკებში ამზადებენ სუფრებს, საღვთებებს, პირსახოცებს, ტილოს თეთრეულისთვის, სასარჩულე ქსოვილებს, ტომრებს და სხვ. სელის ქსოვილს ხმარობენ ფეხსაცმელის სარჩულად, მისგან აკეთებენ სახანძრო მილებს, თასმებს, ძაფს, სათევზაო ბადეებს, მანქანების ღვედებს. ფაბრიკები აუარებელ სელის ტომარას ამზადებენ ფქვილისათვის, ხორბლისათვის, მწვანისათვის და სხვა საქონლისათვის.

საბჭოთა კავშირის სელის მრეწველობის მხრივ მსოფლიოში მესამე ადგილი უჭირავს, პირველი კი ინგლისს (ინგლისს აქვს 54.000 მანქანა, საბჭოთა კავშირს — 16.000).

დასავლეთ ევროპის სელის მრეწველობა მით განიჩევა, რომ იქ სელის მომყვანი კი არა ამუშავებს სელს, არამედ ქარხნები, რაც ფრიალ ხელსაყრელია: მიწისმუშა მთელ ყურადღებას იმას აქცევს, რომ რაც შეიძლება კარგად დაამზადოს სელისათვის მიწა, საუკეთესო თესლი შეარჩიოს, კარგად მოუაროს ნათესს და საუკეთესო ბოჭკო მიიღოს. მეორე მხრივ, სელის დამუშავებელი მთელ ყურადღებას აქცევს სელის საუკეთესოდ დამუშავებას (დალბობას, გაშრობას, დაზელვას და დაჩეჩვას).

სელის მრეწველობა თანდათან ვითარდება. გერმანიამ ომის დროს 130 მექანიკური ქარხანა ააშენა სელის პირველადი დამუშავებისათვის.

სელის მოსავალი ჩვენში გაცილებით უფრო მცირეა, ვიდრე დასავლეთ ევროპაში. მაგ. ბელგიაში დესეტინაზე მოჰყავთ 54 ფუთი, ჩვენში — 20 ფუთი. დასავლეთ ევროპაში სთესენ საუკეთესო ჯიშის სელს, რომელიც წვრილ და გრძელ ბოჭკოს იძლევა, საშუალო და დაბალი ხარისხის ბოჭკოს კი საზღვარგარეთი საბჭოთა კავშირიდან იწერს. ჩვენში სელის მოყვანა — დამუშავების საქმე თანდათან ვითარდება და უფროდაუფრო მეტ შემოსავალს აძლევს მშრომელთა სახელმწიფოს.





# პ ი მ ე რ ი

## ერთი ორ როლში ერთად.

ხშირად გინახავთ კინო-სურათებში, რომ ერთდღივე მსახიობი თამაშობს ორ როლს ერთსადაიმევე დროს. ისინი დგანან ერთიმეორის გვერდით და ესაუბრებიან, ან ხელს ართმევენ ერთმანეთს და სხვა. მაგალითად, სურათ „ორი მოქიშპე“-ში, სადაც ამერიკის გამოჩენილი კინო-მსახიობი ქალი მერი პიკფორდი თამაშობს როგორც დედის, ისე ვაჟიშვილის როლს და ორივენი ხვდებიან ერთმანეთს ერთ ოთახში და ერთმანეთს ესაუბრებიან და სხვა. ეს ამბავი ხდება შემდეგნაირად: კინოგადამღები აპარატი ფარავს გადაღების დროს კინო-ლენტის ნახევარ მხარეს და განაგრძობენ ამრიგად გადაღებას, მხოლოდ შემდეგ კი ხურავენ გადაღებულ ლენტს და იღებენ მეორე მხარეზე. ამრიგად მსახიობს, რომელიც იღებდა მონაწილეობას კინო-ლენტის პირველი ნახევრის გადაღების დროს, შეუძლია ითამაშოს მეორე ნაწილის გადაღების დროსაც; ასეთი მუშაობის დროს საჭიროა დიდი მათემატიკური გამოანგარიშება, რომ სისწორით იქნეს დაცული მანძილი ურთიერთ შორის, როგორც მსახიობების, აგრეთვე გადაღები აპარატის. საერთოდ ასეთი მოვლენის დროს მუშაობა ძნელია როგორც მსახიობის, ისე ოპერატორისა და რეჟისორისთვის.

## „მაკეტები“

გინახავსთ კინო-სურათებში, რომ გაქანებული მატარებელი გადაცდენია ლიანდაგს ან და ჩატეხია ხიდი აფეთქების და რაიმე მიზეზის გამო და დაღუპულა? ვინაიდან ასეთი მოვლენის ასრულება სინამდვილეში შეუძლებელია, ან რომ შესრულდეს ძალიან ძვირი დაჯდება, ამისათვის ესა თუ ის წარმოება არ გაიმეტებს შესაფერ თანხას, — ამის მიღებას შემდეგნაირად აწყობენ: ავიღოთ ერთ-ერთი მომენტი: ბოროტმოქმედნი აფეთქებდნენ უზარმაზარ რკინის ხიდს, რომ მატარებელი გადაიჩეხოს; ამისთვის მოქმედებენ შემდეგნაირად: პირველად გადაიღებენ მომენტს, როდესაც ბოროტმოქმედნი ალაგებენ ნამდვილ ხიდზე ასაფეთქებელ მასალებს და გაჰყავთ პატრუქი, რომლითაც უნდა ააფეთქონ; მატარებელი უახლოვდება ხსენებულ ხიდს. ბოროტმოქმედნი პატრუქს ცეცხლს უკიდებენ და გარბიან;

მატარებელი ხიდზე შედის. აქ გადამღებ აპარატს შეაჩერებენ და მიმართავენ შემდეგ ხერხს: არის მიწათურულად გაკეთებული ზემოხსენებული ხიდის „მოღელი“, რომელზედაც მექანიკურად გაუშვებენ პატარა ხელოვნურად გაკეთებულ ორთქლმავალს და რონოდებს; ხიდი (მაკეტი) აფეთქდება და ორთქლმავალი და რონოდები იღუპებიან; ყველა ამის შემდეგ შეაერთებენ ორ ზემოხსენებულ გადაღებულ ნაჭერს, რაც სტოვებს ნამდვილი ხიდისა და მატარებლის აფეთქების შთაბეჭდილებას.

ასეთივე სურათებით შეიძლება გადაღება მრავალი ძველი ციხე-კოშკის. საჭიროების დროს აშენებენ პატარა ზომის ციხეს, რომელიც სტოვებს უზარმაზარი შენობის შთაბეჭდილებას. აქ მოყვანილი სურათის მაგალითით შეგვიძლია დავამტკიცოთ, თუ როგორ შეიძლება პატარა „მაკეტი“ გვეგონოს თვალმიუწვდენელი კოშკები და სიმაგრეები. როდესაც გადამღები აპარატი გადაიღებს საერთო სურათს ასეთი შენობისას, მერე იღებენ ცალცალკე ნაწილებად როგორც ალაყაფის კარებს, აგრეთვე ოთახებს, ფანჯრებს, კიბეებს და სხვას, რომლებიც სულ ცალცალკე შენობებს წარმოადგენენ და სინამდვილეში ერთიერთმანეთთან არავითარი საერთო არ აქვსთ, მხოლოდ ყველას შეერთების დროს სტოვებს შთაბეჭდილებას უზარმაზარ ერთ მთლიან შენობისას, რომლის სურათია მოცემული ზემოხსენებული მაკეტის სახით. ასეთივე ხერხებით შეიძლება ხანძრის გადაღება; რომელიმე ძვირფასი და დიდი შენობის მაგიერ შეიძლება დასწვან უბრალო პატარა მოღელი იმავე შენობისა, რაც სტოვებს სინამდვილის შთაბეჭდილებას; ან და საჰარის თვალმიუწვდენელ უდაბნოს მაგიერ იღებენ რამოდენიმე მინიატურულ პალმას და ორარშინიან „მაკეტს“, რომელიც დასტოვებს სრული უდაბნოს შთაბეჭდილებას და მაყურებელი ვერ ამჩნევს ვერავითარ განსხვავებას საჰარის სილიან თვალმიუწვდენელ მოედანსა და პატარა მაკეტის სიდიდეს შორის. შეიძლება აგრეთვე უზარმაზარი ნიუიორკიც ან სხვა რომელიმე ქალაქის ქუჩების გადაღება ზემოხსენებული ხერხებით, 10 და 15 სართულიანი სახლებით, მომავალი მანქანებით, რომლის „მაკეტები“ კეთდება სპეციალურად, და თითოეული 10 და 15-სართულიანი სახლის სიმაღლე შეიძლება არ აღემატებოდეს 2 ან 3 არშინს და მაყურებელს კი ეგონება ნიუიორკის უზარმაზარი ქუჩა.



### როგორ იზრდება პეპერთალა გოგრა.

„მოსავლის დღის“ გამოფენაზე ხშირად ნახეთ და გაგაოცებთ ვეებერთელა გოგრები. ძალიან უნებურად გასურს იცოდეთ, სად და როგორ იზრდება ამოდენა, თითქმის 30-40 კილოგრამის წონის გოგრა.

ჩვენ აქ მოგიხსნათ იმის შესახებ, თუ როგორ შეიძლება საკუთარი ცდით ადამიანის წონის ოდენა გოგრის გაზრდა, თუკი იქნება ამ საქმისადმი ინტერესი და სურვილი.

იმ ადგილებში, სადაც ზაფხული ცხელი და ხანგრძლივია, გოგრის დათესვა შეიძლება პირდაპირ ბოსტანში, მაგრამ უფრო ცივ და მწირ ადგილებში საჭიროა მიწის განსაკუთრებულად დამუშავება და გოგრის ნერგების განსაკუთრებულად თესვა და გაზრდა. ნერგების ზრდისთვის საჭიროა რამოდენიმე საყვავილე ქოთანს, კარგი ნოყიერი და ფხვიერი მიწა და შერჩეული თესლი. ჩათესვა მოხდება ამგვარად: ქოთანს აავსებთ მიწით და შიგნით ჩაფლავთ რამოდენიმე თესლს, პორწყავთ ოდნავ თბილი წყლით და ისეთ ადგილას შედგამთ, სადაც საკმაო სითბო და სინათლე იქნება.

საქმე ისაა, რომ გოგრა სითბოსმოყვარული მცენარეა, ტროპიკული ქვეყნის მცენარეთა ჯიშისაა. ამიტომ, რომ თესლი ჩქარა ამოვიდეს, საჭიროა ქოთნები დაიდგას ღუმელის მახლობლად, დაეხუროს თავი შუშის ნატეხით, მაგრამ გოგრის ზრდისათვის საჭიროა დიდი სინათლე, ამიტომ, როგორც კი მიწიდან ამოიწვევრება იგი, საჭიროა დაიდგას იგი ყველაზე სინათლიან ადგილას. ქოთანში მიწა არ უნდა გაშრეს, რომ ნორჩი მცენარე არ ამოხმეს. იგი უნდა ირწყვებოდეს იმგვარად, რომ ქოთანში სოვლდებოდეს მთელი მიწა, არ უნდა იქნეს დავიწყებული ისიც, რომ ხშირად რწყვას შეუძლია გააფუჭოს მცენარე.

იმისდა მიხედვით, რამდენადაც მცენარე წამოიზრდება, ქოთანში უნდა ემატოს თანდათან მიწა. თითოეულ ქოთანში უნდა დატოვოთ თითო მცენარე, ყველაზე უფრო ჯანსაღი.

### ნერგის ბოსტანში გაღარგვა.

ბოსტანში ნერგის გადატანა შესაძლებელია მაშინ, როცა მცენარე საკმაოდ წამოიზრდება და თან არ იქნება ყინვის საშიშროება.

ადგილი, სადაც უნდა გადირგას გოგრის ნერგები, უნდა წინასწარ მოემზადოს ბოსტნის ისეთ მხარეს, სადა სინათლე და სითბო საკმაოდ მყუდრო ადგილი იქნება. დაბალი და ნესტიანი ადგილი გამოუსადეგარტ ფი ლ ი წა

მიწა გაპოხიერებული უნდა იქნეს დამწვარი ნეხვით. გოგრა კარგად ხარობს ძველ სანაგვე ადგილებზე.

თუ გასურთ, რომ ნაყოფი მეტად დიდრონი იყოს, ამისათვის საჭიროა ასე მოიქცეთ: ადრე გაზაფხულისას გადააბრუნოთ მიწა იმ ადგილას, სადაც გოგრა უნდა მოიზრდეს; გოგრა საზოგადოდ ფართოდ იშლება და დიდ ადგილს იკავებს თავის გარშემო, ამიტომ ნერგებიც ერთმანეთზე 1 1/2-2 მეტრის მანძილზე უნდა იქნეს დაცილებული; თან ის ადგილები, სადაც ისინი გადაიზრდება, წინასწარ უნდა გააპატივოთ. ქოთნიდან ნერგების გადატანა უნდა მოხდეს მიწასთან ერთად, რომ მცენარეს ფესვები არ დაუზიანდეს. ამიტომ ქოთნიდან ნერგებს ფრთხილად იღებენ და წინასწარ ამოთხრილ ორმოში რგავენ, რის შემდეგ რამდენიმე დღის განმავლობაში ბეჯითად რწყავენ; ასეთ პირობებში გოგრა ჩქარა და ნაყოფიერად იზრდება. გოგრის მოვლა შემდეგ მუშაობას მოითხოვს: ზედმეტი ყლორტების ამოჭრას, მორწყვას, განოყიერებას და მიწის გაფხვიერებას.

გოგრის მოზრდილი ტოტები მიწაზე უნდა გამოტოვოთ და განსაკუთრებული ჯოხებით დაამაგროთ, რომ ამით დაიცვა ქარისაგან და თან მალე მოიღვას ფესვები და მეტად ისაზრდოს.


გოგრის თითოეულ მცენარეზე დატოვებული უნდა იქნეს ოთხი ნაყოფი, მაგრამ თუ უკანასკნელი გასურთ რაც შეიძლება დიდი გაიზარდოს, არ უნდა დატოვოთ ორზე მეტი. დანარჩენი კი უნდა ამოსჭრათ მაშინვე, როგორც კი ვაშლის ოდენა გახდება. მას შემდეგ კი, რაც დატოვებული იქნება ორი ნაყოფი, სხვა დანარჩენი წამოზრდილი ყვავილები თუ ნაყოფები უნდა იჭრას, რომ ამით უზრუნველყოთ დატოვებული გოგრების ზრდა. ნაყოფი რომ არ დაინესტოს და არ გაფუჭდეს, საჭიროა მათი ფიცრებზე შეწყობა.

გოგრის ზრდის დროს საჭიროა აგრეთვე მათი გამაპოხიერებელი ნივთიერებით რწყვა.

ასეთ ნივთიერებას კი წარმოადგენს საქონლის ნეხვის ან ქათმის სკლინტების წყალში გახსნილი სითხე, რომლითაც ფრთხილად უნდა მოირწყოს მცენარის ძირები, ისე რომ არ დაისვაროს ფოთლები და სხვა.

ბოსტნიდან გოგრის აღაგება ხდება მაშინ, როცა იწყება პირველი ყინვები და გოგრის ფოთლების ჭკნობა. ნაყოფი ფრთხილად უნდა შევიანახოთ.


ყველაზე საუკეთესო გოგრის თესლი მომავალი წლისათვის უნდა შეინახოთ.





# ჭ ა ღ რ ა კ ი.

შამათი ლაზიერით ეტლის წინააღმდეგ. ასეთ პირობებში შამათი აუცილებელია, მაგრამ ძნელია. სუსტი მხარე უნდა ცდილობდეს ეტლი მეფეს არ დააშოროს, თორემ ამისთანა შემთხვევებში ეტლი სულ მალე იკარგება: ლაზიერს შეუძლია ქიში გამოუცხადოს. მეფეს და იმავე დროს ეტლსაც დაემუქროს. სუსტი მხარის მეფე სიშორის გამო ვერ იფარავს ეტლს და ეს უკანასკნელი იკარგება (იხ. დიაგრ. № 1). ასეთ მდგომარეობაში თუ სვლა თეთრებმა, ეტლი უწყალოდ იკარგება პირველ დაკვრას:  $ლ a 2-a 7+$ ; ამ პუნქტიდან ლაზიერი  $e 3$ -ზე მდგარ ეტლსაც ემუქრება. შავებს შეუძლიათ მხოლოდ ერთი წუთით გაუგრძელონ ეტლს სიცოცხლე.



დიაგრამა № 1.

$ე e 3-e 7$ , რასაც მოჰყვება  $ლ a 7:c 7+$ , შემდეგ შამათი უკვე აღვილია.

ეტლის წინააღმდეგ ბრძოლაში ლაზიერს მეფე უნდა ეხმარებოდეს. მოგვყავს შესაფერი მაგალითი (იხ. დიაგრ. № 2).

წარმოვიდგინოთ, რომ ასეთ მდგომარეობაში პირველი სვლა შავებს ეკუთვნით და ასე ითამაშეს:

- 1. . . . . ე c 6-d 6+
- 2. მ d 4-e 4?? ე d 6-e 6+!

რასაც ლაზიერის დაკარგვა მოსდევს და, მაშასადამე, თეთრების წაგებაც. როგორც ეს ზემოთ ნათქვამიდან ვიცი. ამიტომ ეტლთან ბრძოლის დროს თეთრები ძალიან უნდა ფრთხილობდნენ, რომ მეფე და ლაზიერი ერთ პორიზონტალზე ან ვერტიკალზე არ დასხან.


ახლა დავიწყოთ წინა მაგალითის გარჩევა:

- 1. მ d 4-d 5 ე c 6-c 7
- 2. ლ e 1-h 4+ მ d 8-d 7
- 3. ლ h 4-h 7+ მ d 7-d 8
- 4. ლ h 7-h 8+ მ d 8-e 7
- 5. ლ h 8-g 7+ მ e 7-d 8
- 6. ლ g 7-f 8+ მ d 8-d 7
- 7. ლ f 8-a 8 ე c 7-c 8
- 8. ლ a 8-a 7+ ე c 8-a 7
- 9. ლ a 7-b 8

შავებს მოფიქრება სჭირიათ: მეფეს ერთი გზა აქვს ( $e 7$ ), რასაც ეტლის დაკარგვა მოსდევს. ხოლო თუ ეტლით დაემუქრა ლაზიერს  $c 7-c 8$ , მაშინ ლაზიერი  $d 6$ -დან ქიშს ეტყვის, შავ მეფეს მარჯვნივ გააადებს და თავისი მეფის დახმარებით ეტლს შეუჭამს. ამიტომ შავების მორიგი სვლა ეტლით განზე გასვლაა.

- 9. . . . . ე c 7-c 1
- 10. ლ b 8-d 6+ მ d 7-c 8

ახლა თეთრებმა ლაზიერი და მეფე ერთ პორიზონტალზე რომ დასტოვონ (მაგალითად, გააკეთონ სვლა  $მ d 5-d 4$ ), შავები  $d 1$ -დან ქიშს გამოუცხადებენ, ლაზიერს მოუკლავენ და თამაში უშედეგოდ დამთავრდება.



დიაგრამა № 2.

- 11. ლ d 6-h 6 ე c 1-d 1+
- 12. მ d 5-e 5 ე d 1-d 7
- 13. ლ h 6-f 4 ე d 7-c 7
- 14. მ e 5-d 5 მ c 8-b 7
- 15. ლ f 4-b 4+ მ b 7-c 8
- 16. მ d 5-d 6 ე c 7-a 7
- 17. ლ b 4-c 5+ მ c 8-b 8
- 18. ლ c 5-b 6+ ე a 7-b 7
- 19. ლ b 6-d 8+ მ b 8-a 7
- 20. მ d 6-c 6

ახლა მეფემ რომ ითამაშოს, შამათი იქნება:  $მ a 7-a 6$ , რასაც მოჰყვება  $ლ d 8-a 8$ . მაშასადამე, საჭიროა სვლა ეტლით, მაგრამ თუ ეტლით  $b 8$  უჯრა დაიჭიროს, მაშინაც ლაზიერი  $d 8-a 5$  სვლით შამათს გაუკეთებს. ამიტომ საჭიროა ეტლი განზე გავიდეს.

- 20. . . . . ე b 7-b 2
- 21. ლ d 8-a 5+

მეფეს მხოლოდ ერთი გზა ლა აქვს, რასაც ეტლის დალუპვა მოსდევს.

- 21. . . . . მ a 7-b 8
- 22. ლ a 5-e 5+ მ b 8-c 8
- 23. ლ e 5:b 2

და თეთრები იგებენ.





გამოდის 1928 წ. გამოდის

თრკვირული საშინაო სასურათო

ქუჩნალი

მოზღდილთათვის

# პიონერი

წელიწადი III

ქუჩნალი ს. ს. ს. რ. ყველა სკოლისათვის სავალდებულოა.

ლენინის სახელობის საქართველოს ბავშთა კომუნისტური ჯგუფების უოველი წევრის, ორგანიზაციის უოველი კოლექტივის, ბავშთა კომუნისტური მოძრაობის თითოეული ხელმძღვანელის, ბიბლიოთეკების და სამკითხველოების ვადლებულე-ბაა გამოიწერონ

## პიონერი

მიიღება ხელმოწერა 1928 წლისათვის.

ქუჩნალი ღირს გადაგზავნით:

- წელიწადში — 5 მან.
- ექვს თვეს — 3 მან.
- სამ. თვეს — 1 მან. 50 კაპ.

სალკე ნომერი — 25 კაპ.

მისამართი: ტფილისი, რუსთველის გამზირი, № 22, სახეღვამი (მეორე სართული), „პიონერი“-ს და „ნაკადული“-ს რედაქცია.

რედაქტორი — სარკელაქშიო კოლეზია.